

אלמודד ואת שלף ואת חצרמות ואת
 ירח²¹ ואת הדורם ואת אוזל ואת
 דקלה²² ואת עיבל ואת אבימאל ואת
 שבא²³ ואת אופיר ואת חוילה ואת יובב
 כל אלה בני יקטן ׀ ²⁴ שם ארפכשד
 שלח²⁵ עבר פלג רעו²⁶ שרוג נחור
 תרח²⁷ אברם הוא אברהם ׀ ²⁸ בני
 אברהם יצחק וישמעאל ׀ ²⁹ אלה
 תלדותם בכור ישמעאל נביות וקדר
 ואדבאל ומבשם³⁰ משמע ודומה משא
 חדד ותימא³¹ יטור נפיש וקדמה אלה
 הם בני ישמעאל ׀ ³² ובני קטורה
 פילגש אברהם ילדה את זמרן ויקשן ומדן
 ומדין וישבק ושוח ובני יקשן שבא
 ודדן ׀ ³³ ובני מדן עיפה ועפר וחנוך
 ואבידע ואלדעה כל אלה בני
 קטורה ׀ ³⁴ ויולד אברהם את יצחק
 ׀ בני יצחק עשו וישראל ׀ ³⁵ בני
 עשו אליפז רעואל ויעוש ויעלם
 וקרח ׀ ³⁶ בני אליפז תימן ואומר צפי
 וגעתם קנז ותמנע ועמלק ׀ ³⁷ בני
 רעואל נחת זרח שמה ומזה ׀ ³⁸ ובני
 שעיר לוטן ושוכל וצבעון וענה ודישן
 ואצר ודישן³⁹ ובני לוטן חרי והומם
 ואחות לוטן תמנע ׀ ⁴⁰ בני שובל עלין
 ומנחת ועיבל שפי ואונם ׀ ובני צבעון
 איה וענה⁴¹ בני ענה דישון ׀ ובני
 דישון חמרן ואשבן ויתרן

1 Chronicles

דברי הימים א

1 אדם שת אנוש² קינן מהללאל
 ירד³ חנוך מתושלח למך⁴ נח שם חם
 ויפת ׀ ⁵ בני יפת גמר ומגוג ומדי ויון
 ותבל ומשך ותירס ׀ ⁶ ובני גמר
 אשכנז ודיפת ותוגרמה⁷ ובני יון אלישה
 ותרשישה כתים ורודנים ׀ ⁸ בני חם
 כוש ומצרים פוט וכנען⁹ ובני כוש סבא
 וחוילה וסבתא ורעמא וסבתכא ובני
 רעמא שבא ודדן ׀ ¹⁰ וכוש ילד את
 נמרוד הוא החל להיות גבור
 בארץ ׀ ¹¹ ומצרים ילד את **לודיים**
לודים ואת ענמים ואת להבים ואת
 נפתחים¹² ואת פתרסים ואת כסלחים
 אשר יצאו משם פלשתים ואת
 כפתרים ׀ ¹³ וכנען ילד את צידון
 בכרו ואת חת¹⁴ ואת היבוסי ואת האמרי
 ואת הגרגשי¹⁵ ואת החוי ואת הערקי
 ואת הסיני¹⁶ ואת הארודי ואת הצמרי
 ואת החמתי ׀ ¹⁷ בני שם עילם ואשור
 וארפכשד ולוד וארם ועוץ וחול וגתר
 ומשך ׀ ¹⁸ וארפכשד ילד את שלח
 ושלח ילד את עבר¹⁹ ולעבר ילד שני
 בנים שם האחד פלג כי בימיו נפלגה
 הארץ ושם אחיו יקטן²⁰ ויקטן ילד את

את פרץ ואת זרח כל בני יהודה
 חמשה ם בני פרץ חצרון
 וחמול ם בני זרח זמרי ואיתן והימן
 וכלכל ודרע כלם חמשה ם בני
 כרמי עכר עוכר ישראל אשר מעל
 בחרם ם בני איתן עזריה בני
 חצרון אשר נולד לו את ירחמאל ואת רם
 ואת כלובי ם ורם הוליד את עמינדב
 ועמינדב הוליד את נחשון נשיא בני
 יהודה ם ונחשון הוליד את שלמא ושלמא
 הוליד את בעז ם ובעז הוליד את עובד
 ועובד הוליד את ישי ם ואישי הוליד את
 בכרו את אליאב ואבינדב השני ושמעא
 השלישי ם נתנאל הרביעי רדי
 החמישי ם אצם הששי דויד
 השבעי ם ואחיתיהם ואחיותיהם צרויה
 ואביגיל ובני צרויה אבשי ויואב ועשה אל
 שלשה ם ואביגיל ילדה את עמשא ואבי
 עמשא יתר הישמעאלי ם וכלב בן חצרון
 הוליד את עזובה אשה ואת יריעות ואלה
 בניה ישר ושובב וארדון ם ותמת עזובה
 ויקח לו כלב את אפרת ותלד לו את
 חור ם וחור הוליד את אורי ואורי הוליד
 את בצלאל ם ואחר בא חצרון אל
 בת מכיר אבי גלעד והוא לקחה והוא בן
 ששים שנה ותלד לו את שגוב ם ושגוב
 הוליד את יאיר ויהי לו עשרים ושלוש
 ערים בארץ הגלעד ם ויקח גשור וארם
 את חות יאיר מאתם את קנת ואת

וכרן ם בני אצר בלהן וזעון יעקן בני
 דישון עוץ וארן ם
 ואלה המלכים אשר מלכו בארץ אדום
 לפני מלך מלך לבני ישראל בלע בן בעור
 ושם עירו דנהבה ם וימת בלע וימלך
 תחתיו יובב בן זרח מבצרה ם וימת יובב
 וימלך תחתיו חושם מארץ
 התימני ם וימת חושם וימלך תחתיו הדד
 בן בדד המכה את מדין בשדה מואב
 ושם עירו עיות עיות ם וימת הדד וימלך
 תחתיו שמלה ממשרקא ם וימת שמלה
 וימלך תחתיו שאול מרחבות
 הנהר ף וימת שאול וימלך תחתיו בעל
 חנן בן עכבור ם וימת בעל חנן וימלך
 תחתיו הדד ושם עירו פעי ושם אשתו
 מהיטבאל בת מטרד בת מי זהב ם וימת
 הדד ם ויהיו אלופי אדום אלוף תמנע
 אלוף עליה עלוה אלוף יתת ם אלוף
 אהליבמה אלוף אלה אלוף פינן ם אלוף
 קנז אלוף תימן אלוף מבצר ף אלוף
 מגדיאל אלוף עירם אלה אלופי אדום ם

2 אלה בני ישראל ראובן שמעון לוי
 ויהודה יששכר זבלון ם דן יוסף ובנימן
 נפתלי גד ואשר ם בני יהודה ער
 ואונן ושלה שלושה נולד לו מבת שוע
 הכנענית ויהי ער בכור יהודה רע בעיני
 יהוה וימיתו ם ותמר כלתו ילדה לו

חברון⁴³ ובני חברון קרח ותפח ורקם
 ושמע⁴⁴ ושמע הוליד את רחם אבי
 ירקעם ורקם הוליד את שמי⁴⁵ ובן שמי
 מעון ומעון אבי בית צור⁴⁶ ועיפה פילגש
 כלב ילדה את חרן ואת מוצא ואת גזז
 וחרן הליד את גזז ׀⁴⁷ ובני יהדי רגם
 ויותם וגישן ופלט ועיפה ושעף⁴⁸ פלגש
 כלב מעכה ילד שבר ואת
 תרחנה⁴⁹ ותלד שעף אבי מדמנה את
 שוא אבי מכבנה ואבי גבעא ובת כלב
 עכסה ׀⁵⁰ אלה היו בני כלב בן חור
 בכור אפרתה שובל אבי קרית
 יערים⁵¹ שלמא אבי בית לחם חרף אבי
 בית גדר⁵² ויהיו בנים לשובל אבי קרית
 יערים הראה חצי המנחות⁵³ ומשפחות
 קרית יערים היתרי והפותי והשמתי
 והמשרעי מאלה יצאו הצרעתי
 והאשתאלי ׀⁵⁴ בני שלמא בית לחם
 ונטופתי עטרות בית יואב וחצי המנחתי
 הצרעי⁵⁵ ומשפחות ספרים יִשְׁבוּ יִשְׁבִי
 יעבץ תרעתיים שמעתיים שוכתיים המה
 הקינים הבאים מחמת אבי בית
 רכב ׀

3 ואלה היו בני דויד¹ אשר נולד לו
 בחברון הבכור אמנן לאחינעם
 היזרעאלית שני דניאל לאביגיל

בנתיה ששים עיר כל אלה בני מכיר אבי
 גלעד²⁴ ואחר מות חצרון בכלב אפרתה
 ואשת חצרון אביה ותלד לו את אשחור
 אבי תקוע²⁵ ויהיו בני ירחמאל בכור
 חצרון הבכור רם ובונה וארן ואצם
 אחיה²⁶ ותהי אשה אחרת לירחמאל
 ושמה עטרה היא אם אונם ׀²⁷ ויהיו
 בני רם בכור ירחמאל מעץ וימין
 ועקר²⁸ ויהיו בני אונם שמי וידע ובני
 שמי נדב ואבישור²⁹ ושם אשת אבישור
 אביהיל ותלד לו את אחבן ואת
 מוליד³⁰ ובני נדב סלד ואפים וימת סלד
 לא בנים ׀³¹ ובני אפים ישעי ובני
 ישעי ששן ובני ששן אחלי³² ובני ידע
 אחי שמי יתר ויונתן וימת יתר לא
 בנים ׀³³ ובני יונתן פלת וזוא אלה
 היו בני ירחמאל³⁴ ולא היה לששן בנים
 כי אם בנות ולששן עבד מצרי ושמו
 ירחע³⁵ ויתן ששן את בתו לירחע עבדו
 לאשה ותלד לו את עתי³⁶ ועתי הליד את
 נתן ונתן הוליד את זבד³⁷ וזבד הוליד את
 אפלל ואפלל הוליד את עובד³⁸ ועובד
 הוליד את יהוא ויהוא הוליד את
 עזריה³⁹ ועזריה הליד את חלץ וחלץ
 הליד את אלעשה⁴⁰ ואלעשה הליד את
 ססמי וססמי הליד את שלום⁴¹ ושלום
 הוליד את יקמיה ויקמיה הליד את
 אלישמע⁴² ובני כלב אחי ירחמאל מישע
 בכרו הוא אבי זיף ובני מרשה אבי

1 BHS has been faithful to the Leningrad Codex where there might be a question of the validity of the form and we keep the same form as BHS.

ונעריה ושפט ששה²³ ובן נעריה אליועיני וחזקיה ועזריקם שלשה²⁴ ובני אליועיני **הדיהו** **הודויהו** ואלישיב ופליה ועקוב ויוחנן ודליה וענני שבעה ׀

4 בני יהודה פרץ חצרון וכרמי וחור ושובל² וראיה בן שובל הוליד את יחת ויחת הליד את אחומי ואת להד אלה משפחות הצרעתי ׀ ³ ואלה אבי עיטם יזרעאל וישמא וידבש ושם אחותם הצללפוני⁴ ופנואל אבי גדר ועזר אבי חושה אלה בני חור בכור אפרתה אבי בית לחם⁵ ולאשחור אבי תקוע היו שתי נשים חלאה ונערה⁶ ותלד לו נערה את אחזם ואת חפר ואת תימני ואת האחשתרי אלה בני נערה⁷ ובני חלאה צרת **יצתר** וצחר ואתנן⁸ וקוץ הוליד את ענוב ואת הצבבה ומשפחות אחרחל בן הרום⁹ ויהי יעבץ נכבד מאחיו ואמו קראה שמו יעבץ לאמר כי ילדתי בעצב¹⁰ ויקרא יעבץ לאלהי ישראל לאמר אם ברך תברכני והרבית את גבולי והיתה ידך עמי ועשית מרעה לבלתי עצבי ויבא אלהים את אשר שאל¹¹ וכלוב אחי שוחה הוליד את מחיר הוא אבי אשתון¹² ואשתון הוליד את בית רפא ואת פסח ואת תחנה אבי עיר נחש אלה אנשי רכה ׀ ¹³ ובני קנו עתניאל ושריה ובני עתניאל

הכרמלית² השלשי לאבשלום בן מעכה בת תלמי מלך גשור הרביעי אדניה בן חגית³ החמישי שפטיה לאביטל הששי יתרעם לעגלה אשתו⁴ ששה נולד לו בחברון וימלך שם שבע שנים וששה חדשים ושלשים ושלוש שנה מלך בירושלם ׀ ⁵ ואלה נולדו לו בירושלים שמעא ושובב ונתן ושלמה ארבעה לבת שוע בת עמיאל⁶ ויבחר ואלישמע ואליפלט⁷ ונגה ונפג ויפיע⁸ ואלישמע ואלידע ואליפלט תשעה⁹ כל בני דויד מלבד בני פילגשים ותמר אחותם ׀ ¹⁰ ובן שלמה רחבעם אביה בנו אסא בנו יהושפט בנו ¹¹ יורם בנו אחזיהו בנו יואש בנו ¹² אמציהו בנו עזריה בנו יותם בנו ¹³ אחז בנו חזקיהו בנו מנשה בנו ¹⁴ אמון בנו יאשיהו בנו ¹⁵ ובני יאשיהו הבכור יוחנן השני יהויקים השלשי צדקיהו הרביעי שלום¹⁶ ובני יהויקים יכניה בנו צדקיהו בנו ¹⁷ ובני יכניה אסר שאלתיאל בנו ¹⁸ ומלכירם ופדיה ושנאצר יקמיה הושמע ונדביה¹⁹ ובני פדיה זרבבל ושמעי ובן זרבבל משלם וחנוניה ושלמית אחותם²⁰ וחשבה ואהל וברכיה וחסדיה יושב חסד חמש²¹ ובן חנוניה פלטיה וישעיה בני רפיה בני ארנן בני עבדיה בני שכניה ׀ ²² ובני שכניה שמעיה ובני שמעיה חטוש ויגאל ובריה

ובחרמה ובתולד³⁰ ובבתואל
 ובציקלג³¹ ובבית מרכבות ובחצר סוסים
 ובבית בראי ובשערים אלה עריהם עד
 מלך דויד³² וחצריהם עיטם ועין רמון
 ותכן ועשן ערים חמש³³ וכל חצריהם
 אשר סביבות הערים האלה עד בעל זאת
 מושבתם והתיחשם להם³⁴ ומשובב
 וימלך ויושה בן אמציה³⁵ ויואל ויהוא בן
 יושביה בן שריה בן עשיאל³⁶ ואליועיני
 ויעקבה וישוחיה ועשיה ועדיאל ושימאל
 ובניה³⁷ וזיזא בן שפעי בן אלון בן ידיה בן
 שמרי בן שמעיה³⁸ אלה הבאים בשמות
 נשיאים במשפחותם ובית אבותיהם פרצו
 לרוב³⁹ וילכו למבוא גדר עד למזרח הגיא
 לבקש מרעה לצאנם⁴⁰ וימצאו מרעה
 שמן וטוב והארץ רחבת ידים ושקטת
 ושלוח כי מן חם הישבים שם
 לפנים⁴¹ ויבאו אלה הכתובים בשמות
 בימי יחזקיהו מלך יהודה ויכו את
 אהליהם ואת **המעינים** **המעונים** אשר
 נמצאו שמה ויחרימם עד היום הזה
 וישבו תחתיהם כי מרעה לצאנם
 שם⁴² ומהם מן בני שמעון הלכו להר
 שעיר אנשים חמש מאות ופלטיה ונעריה
 ורפיה ועזיאל בני ישעי בראשם⁴³ ויכו
 את שארית הפלטה לעמלק וישבו שם
 עד היום הזה

5 ובני ראובן בכור ישראל כי הוא

חתת¹⁴ ומעונתי הוליד את עפרה ושריה
 הוליד את יואב אבי גיא חרשים כי
 חרשים היו פ
¹⁵ ובני כלב בן יפנה עירו אלה ונעם ובני
 אלה וקנו¹⁶ ובני יהללאל זיף וזיפה תיריא
 ואשראל¹⁷ ובן עזרה יתר ומרד ועפר
 וילון ותהר את מרים ואת שמי ואת
 ישבח אבי אשתמע¹⁸ ואשתו היהדיה
 ילדה את ירד אבי גדור ואת חבר אבי
 שוכו ואת יקותיאל אבי זנוח ואלה בני
 בתיה בת פרעה אשר לקח
 מרד ׀ ¹⁹ ובני אשת הודיה אחות נחם
 אבי קעילה הגרמי ואשתמע
 המעכתי²⁰ ובני שימון אמנון ורנה בן חנן
ותולון ותילון ובני ישעי זוחת ובן
 זוחת²¹ בני שלה בן יהודה ער אבי לכה
 ולעדה אבי מרשה ומשפחות בית עבדת
 הבן לבית אשבע²² ויוקים ואנשי כזבא
 ויואש ושרף אשר בעלו למואב וישבי
 לחם והדברים עתיקים²³ המה היוצרים
 וישבי נטעים וגדרה עם המלך במלאכתו
 ישבו שם ׀ ²⁴ בני שמעון נמואל וימין
 יריב זרח שאול²⁵ שלם בנו מבשם בנו
 משמע בנו²⁶ ובני משמע חמואל בנו זכור
 בנו שמעי בנו²⁷ ולשמעי בנים ששה עשר
 ובנות שש ולאחיו אין בנים רבים וכל
 משפחתם לא הרבו עד בני
 יהודה ׀ ²⁸ וישבו בבאר שבע ומולדה
 וחצר שועל²⁹ ובבלהה ובעצם

חיל אנשים נשאי מגן וחרב ודרכי קשת
 ולמודי מלחמה ארבעים וארבעה אלף
 ושבע מאות וששים יצאי צבא¹⁹ ויעשו
 מלחמה עם ההגריאים ויטור ונפיש
 ונודב²⁰ ויעזרו עליהם וינתנו בידם
 ההגריאים וכל שעמהם כי לאלהים זעקו
 במלחמה ונעתור להם כי בטחו
 בו²¹ וישבו מקניהם גמליהם חמשים אלף
 וצאן מאתים וחמשים אלף וחמורים
 אלפים ונפש אדם מאה אלף²² כי חללים
 רבים נפלו כי מהאלהים המלחמה וישבו
 תחתיהם עד הגלה פ
²³ ובני חצי שבט מנשה ישבו בארץ
 מבשן עד בעל חרמון ושניר והר חרמון
 המה רבו²⁴ ואלה ראשי בית אבותם
 ועפר וישעי ואליאל ועזריאל וירמיה
 והודויה ויחדיאל אנשים גבורי חיל אנשי
 שמות ראשים לבית אבותם²⁵ וימעלו
 באלהי אבותיהם ויזנו אחרי אלהי עמי
 הארץ אשר השמיד אלהים
 מפניהם²⁶ ויער אלהי ישראל את רוח
 פול מלך אשור ואת רוח תלגת פלנסר
 מלך אשור ויגלם לראובני ולגדי ולחצי
 שבט מנשה ויביאם לחלח וחרבור והרא
 ונהר גוזן עד היום הזה פ
²⁷ בני לוי גרשון קהת ומררי²⁸ ובני קהת
 עמרם יצהר וחררון ועזיאל פ²⁹ ובני
 עמרם אהרן ומשה ומרים פ³⁰ ובני
 אהרן נדב ואביהוא אלעזר
 ואיתמר פ³⁰ אלעזר הוליד את פינחס

הבכור ובחללו יצועי אביו נתנה בכרתו
 לבני יוסף בן ישראל ולא להתיחש
 לבכרה² כי יהודה גבר באחיו ולנגיד
 ממנו והבכרה ליוסף פ³ בני ראובן
 בכור ישראל חנוך ופלוא חצרון
 וכרמי⁴ בני יואל שמעיה בנו גוג בנו
 שמעי בנו⁵ מיכה בנו ראיה בנו בעל
 בנו⁶ בארה בנו אשר הגלה תלגת
 פלנסר מלך אשר הוא נשיא
 לראובני⁷ ואחיו למשפחתיו בהתיחש
 לתלדותם הראש יעיאל וזכריהו⁸ ובלע בן
 עזו בן שמע בן יואל הוא יושב בערער
 ועד נבו ובעל מעון⁹ ולמזרח ישב עד
 לבוא מדברה למן הנהר פרת כי מקניהם
 רבו בארץ גלעד¹⁰ ובימי שאול עשו
 מלחמה עם ההגריאים ויפלו בידם וישבו
 באהליהם על כל פני מזרח לגלעד פ
¹¹ ובני גד לנגדם ישבו בארץ הבשן עד
 סלכה¹² יואל הראש ושפם המשנה ויעני
 ושפט בבשן¹³ ואחיהם לבית אבותיהם
 מיכאל ומשלם ושבע ויורי ויעכן וזיע
 ועבר שבעה פ¹⁴ אלה בני אביחיל בן
 חורי בן ירוח בן גלעד בן מיכאל בן
 ישישי בן יחדו בן בוז¹⁵ אחי בן עבדיאל
 בן גוני ראש לבית אבותם¹⁶ וישבו בגלעד
 בבשן ובבנתיה ובכל מגרשי שרון על
 תוצאותם¹⁷ כלם התיחשו בימי יותם מלך
 יהודה ובימי ירבעם מלך ישראל פ
¹⁸ בני ראובן וגדי וחצי שבט מנשה מן בני

בנו ושאלו בנו ¹⁰ ובני אלקנה עמשי
 ואחימות ¹¹ אלקנה **בנו** בני אלקנה צופי
 בנו ונחת בנו ¹² אליאב בנו ירחם בנו
 אלקנה בנו ¹³ ובני שמואל הבכר ושני
 ואביה ¹⁴ בני מררי מחלי לבני בנו
 שמעי בנו עזה בנו ¹⁵ שמעא בנו חגיה בנו
 עשיה בנו ¹⁶ ואלה אשר העמיד דויד על ידי שיר
 בית יהוה ממנוח הארון ¹⁷ ויהיו משרתים
 לפני משכן אהל מועד בשיר עד בנות
 שלמה את בית יהוה בירושלם ויעמדו
 כמשפטם על עבודתם ¹⁸ ואלה העמדים
 ובניהם מבני הקהתי הימן המשורר בן
 יואל בן שמואל ¹⁹ בן אלקנה בן ירחם בן
 אליאל בן תוח ²⁰ בן **ציר** צוף בן אלקנה בן
 מחת בן עמשי ²¹ בן אלקנה בן יואל בן
 עזריה בן צפניה ²² בן תחת בן אסיר בן
 אביסף בן קרח ²³ בן יצהר בן קהת בן לוי
 בן ישראל ²⁴ ואחיו אסף העמד על ימינו
 אסף בן ברכיהו בן שמעא ²⁵ בן מיכאל בן
 בעשיה בן מלכיה ²⁶ בן אתני בן זרח בן
 עדיה ²⁷ בן איתן בן זמה בן שמעי ²⁸ בן
 יחת בן גרשם בן לוי ²⁹ ובני מררי
 אחיהם על השמאול איתן בן קישי בן
 עבדי בן מלוך ³⁰ בן חשביה בן אמציה בן
 חלקיה ³¹ בן אמצי בן בני בן שמר ³² בן
 מחלי בן מושי בן מררי בן
 לוי ³³ ואחיהם הלויים נתונים לכל

פינחס הליד את אבישוע ³¹ ואבישוע
 הוליד את בקי ובקי הוליד את עזי ³² ועזי
 הוליד את זרחיה וזרחיה הוליד את
 מריות ³³ מריות הוליד את אמריה
 ואמריה הוליד את אחיטוב ³⁴ ואחיטוב
 הוליד את צדוק וצדוק הוליד את
 אחימעץ ³⁵ ואחימעץ הוליד את עזריה
 ועזריה הוליד את יוחנן ³⁶ ויוחנן הוליד
 את עזריה הוא אשר כהן בבית אשר בנה
 שלמה בירושלם ³⁷ ויולד עזריה את
 אמריה ואמריה הוליד את
 אחיטוב ³⁸ ואחיטוב הוליד את צדוק
 וצדוק הוליד את שלום ³⁹ ושלום הוליד
 את חלקיה וחלקיה הוליד את
 עזריה ⁴⁰ ועזריה הוליד את שריה ושריה
 הוליד את יהוצדק ⁴¹ ויהוצדק הלך
 בהגלות יהוה את יהודה וירושלם ביד
 נבכדנאצר ⁴²

6 בני לוי גרשם קהת ומררי ² ואלה
 שמות בני גרשום לבני ושמעי ³ ובני קהת
 עמרם ויצהר וחברון ועזיאל ⁴ בני מררי
 מחלי ומשי ואלה משפחות הלוי
 לאבותיהם ⁵ לגרשום לבני בנו יחת בנו
 זמה בנו ⁶ יואח בנו עדו בנו זרח בנו
 יאתרי בנו ⁷ בני קהת עמינדב בנו קרח
 בנו אסיר בנו ⁸ אלקנה בנו ואביסף בנו
 ואסיר בנו ⁹ תחת בנו אוריאל בנו עזיה

נפתלי וממטה מנשה בבשן ערים שלש
 עשרה ׀ ⁴⁸ לבני מררי למשפחותם
 ממטה ראובן וממטה גד וממטה זבולן
 בגורל ערים שתיים עשרה ⁴⁹ ויתנו בני
 ישראל ללויים את הערים ואת
 מגרשיהם ⁵⁰ ויתנו בגורל ממטה בני
 יהודה וממטה בני שמעון וממטה בני
 בנימין את הערים האלה אשר יקראו
 אתהם בשמות ׀ ⁵¹ וממשפחות בני
 קהת ויהי ערי גבולם ממטה
 אפרים ⁵² ויתנו להם את ערי המקלט את
 שכם ואת מגרשיה בהר אפרים ואת גזר
 ואת מגרשיה ⁵³ ואת יקמעם ואת
 מגרשיה ואת בית חורון ואת
 מגרשיה ⁵⁴ ואת אילון ואת מגרשיה ואת
 גת רמון ואת מגרשיה ׀ ⁵⁵
 וממחצית מטה מנשה את ענר ואת
 מגרשיה ואת בלעם ואת מגרשיה
 למשפחת לבני קהת הנותרים ׀ ⁵⁶
⁵⁶ לבני גרשום ממשפחת חצי מטה מנשה
 את גולן בבשן ואת מגרשיה ואת
 עשתרות ואת מגרשיה ׀ ⁵⁷ וממטה
 יששכר את קדש ואת מגרשיה את
 דברת ואת מגרשיה ⁵⁸ ואת ראמות ואת
 מגרשיה ואת ענם ואת
 מגרשיה ׀ ⁵⁹ וממטה אשר את משל
 ואת מגרשיה ואת עבדון ואת
 מגרשיה ⁶⁰ ואת חוקק ואת מגרשיה ואת
 רחב ואת מגרשיה ⁶¹ וממטה נפתלי את

עבודת משכן בית האלהים ³⁴ ואהרן ובניו
 מקטירים על מזבח העולה ועל מזבח
 הקטרת לכל מלאכת קדש הקדשים
 ולכפר על ישראל ככל אשר צוה משה
 עבד האלהים ׀
³⁵ ואלה בני אהרן אלעזר בנו פינחס בנו
 אבישוע בנו ³⁶ בקי בנו עזי בנו זרחיה
 בנו ³⁷ מריות בנו אמריה בנו אחיטוב
 בנו ³⁸ צדוק בנו אחימעץ
 בנו ׀ ³⁹ ואלה מושבותם לטירותם
 בגבולם לבני אהרן למשפחת הקהתי כי
 להם היה הגורל ⁴⁰ ויתנו להם את חברון
 בארץ יהודה ואת מגרשיה
 סביבתיה ⁴¹ ואת שדה העיר ואת חצריה
 נתנו לכלב בן יפנה ׀ ⁴² ולבני אהרן
 נתנו את ערי המקלט את חברון ואת
 לבנה ואת מגרשיה ואת יתר ואת
 אשתמע ואת מגרשיה ⁴³ ואת חילז ואת
 מגרשיה את דביר ואת מגרשיה ⁴⁴ ואת
 עשן ואת מגרשיה ואת בית שמש ואת
 מגרשיה ׀ ⁴⁵ וממטה בנימין את גבע
 ואת מגרשיה ואת עלמת ואת מגרשיה
 ואת ענתות ואת מגרשיה כל עריהם
 שלש עשרה עיר
 במשפחותיהם ׀ ⁴⁶ ולבני קהת
 הנותרים ממשפחת המטה ממחצית
 מטה חצי מנשה בגורל ערים
 עשר ׀ ⁴⁷ ולבני גרשום למשפחותם
 ממטה יששכר וממטה אשר וממטה

והתיחשם עשרים ושנים אלף ושלשים
וארבעה ס ⁸ ובני בכר זמירה ויועש
ואליעזר ואליזעני ועמרי וירמות ואביה
וענתות ועלמת כל אלה בני
בכר ⁹ והתיחשם לתלדותם ראשי בית
אבותם גבורי חיל עשרים אלף
ומאתים ס ¹⁰ ובני ידיעאל בלהן ובני
בלהן **יעיש יעוש** ובנימן ואהוד וכנענה וזיתן
ותרשיש ואחישחר ¹¹ כל אלה בני
ידיעאל לראשי האבות גבורי חילים
שבעה עשר אלף ומאתים יצאי צבא
למלחמה ¹² ושפם וחפם בני עיר חשם
בני אחר ¹³ בני נפתלי יחציאל וגוני ויצר
ושלום בני בלהה פ ¹⁴
בני מנשה אשריאל אשר ילדה פילגשו
הארמיה ילדה את מכיר אבי
גלעד ¹⁵ ומכיר לקח אשה לחפים ולשפים
ושם אחתו מעכה ושם השני צלפחד
ותהינה לצלפחד בנות ¹⁶ ותלד מעכה
אשת מכיר בן ותקרא שמו פרש ושם
אחיו שרש ובניו אולם ורקם ¹⁷ ובני אולם
בדן אלה בני גלעד בן מכיר בן
מנשה ¹⁸ ואחתו המלכת ילדה את
אישהוד ואת אביעזר ואת מחלה ¹⁹ ויהיו
בני שמידע אחין ושכם ולקחי ואניעם פ ²⁰
ובני אפרים שותלח וברד בנו ותחת
בנו ואלעדה בנו ותחת בנו ²¹ וזבד בנו
ושותלח בנו ועזר ואלעד והרגום אנשי
גת הנולדים בארץ כי ירדו לקחת את

קדש בגליל ואת מגרשיה ואת חמון ואת
מגרשיה ואת קריתים ואת
מגרשיה ס ⁶² לבני מררי הנותרים
ממטה זבולן את רמונו ואת מגרשיה את
תבור ואת מגרשיה ⁶³ ומעבר לירדן ירחו
למזרח הירדן ממטה ראובן את בצר
במדבר ואת מגרשיה ואת יהצה ואת
מגרשיה ⁶⁴ ואת קדמות ואת מגרשיה
ואת מיפעת ואת מגרשיה ⁶⁵ וממטה גד
את ראמות בגלעד ואת מגרשיה ואת
מחנים ואת מגרשיה ⁶⁶ ואת חשבון ואת
מגרשיה ואת יעזיר ואת מגרשיה ס

7 ולבני יששכר תולע ופואה **ישיב ישוב**
ושמרון ארבעה ס ² ובני תולע עזי
ורפיה ויריאל ויחמי ויבשם ושמואל
ראשים לבית אבותם לתולע גבורי חיל
לתלדותם מספרם בימי דויד עשרים
ושנים אלף ושש מאות ס ³ ובני עזי
יזרחיה ובני יזרחיה מיכאל ועבדיה ויואל
ישיה חמשה ראשים כלם ⁴ ועליהם
לתלדותם לבית אבותם גדודי צבא
מלחמה שלשים וששה אלף כי הרבו
נשים ובנים ⁵ ואחיהם לכל משפחות
יששכר גבורי חילים שמונים ושבעה אלף
התיחשם לכל פ ⁶
בנימן בלע ובכר וידיעאל שלשה ⁷ ובני
בלע אצבון ועזי ועזיאל וירימות ועירי
חמשה ראשי בית אבות גבורי חילים

מספרם אנשים עשרים וששה אלף ס

8 ובנימן הוליד את בלע בכרו אשבל השני ואחרת השלישי² נוחה הרביעי ורפא החמישי ס³ ויהיו בנים לבלע אדר וגרא ואביהוד⁴ ואבישוע ונעמן ואחות⁵ וגרא ושפופן וחורם⁶ ואלה בני אחוד אלה הם ראשי אבות ליושבי גבע ויגלום אל מנחת⁷ ונעמן ואחיה וגרא הוא הגלם והוליד את עזא ואת אחיחד⁸ ושחרים הוליד בשדה מואב מן שלחו אתם חושים ואת בערא נשיו⁹ ויולד מן חדש אשתו את יובב ואת צביא ואת מישא ואת מלכם¹⁰ ואת יעוץ ואת שכיה ואת מרמה אלה בניו ראשי אבות¹¹ ומחשים הוליד את אביטוב ואת אלפעל¹² ובני אלפעל עבר ומשעם ושמד הוא בנה את אונו ואת לד ובנתיה¹³ וברעה ושמע המה ראשי האבות ליושבי אילון המה הבריוח את יושבי גת¹⁴ ואחיו ששק וירמות¹⁵ וזבדיה וערד ועדר¹⁶ ומיכאל וישפה ויוחא בני בריעה¹⁷ וזבדיה ומשלם וחזקי וחבר¹⁸ וישמרי ויזליאה ויובב בני אלפעל¹⁹ ויקים וזכרי וזבדי²⁰ ואליעני וצלתי ואליאל²¹ ועדיה ובראיה ושמרת בני שמעי²² וישפן ועבר ואליאל²³ ועבדון וזכרי וחנן²⁴ וחנניה ועילם

מקניהם²² ויתאבל אפרים אביהם ימים רבים ויבאו אחיו לנחמו²³ ויבא אל אשתו ותהר ותלד בן ויקרא את שמו בריעה כי ברעה היתה בביתו²⁴ ובתו שארה ותבן את בית חורון התחתון ואת העליון ואת אזן שארה²⁵ ורפח בנו ורשף ותלח בנו ותחן בנו²⁶ לעדן בנו עמיהוד בנו אלישמע בנו²⁷ נון בנו יהושע בנו²⁸ ואחזתם ומשבותם בית אל ובנתיה ולמזרח נערן ולמערב גזר ובנתיה ושכם ובנתיה עד עיה ובנתיה²⁹ ועל ידי בני מנשה בית שאן ובנתיה תענך ובנתיה מגדו ובנותיה דור ובנותיה באלה ישבו בני יוסף בן ישראל פ בני אשר ימנה וישוה וישוי ובריעה ושרח אחותם³¹ ובני בריעה חבר ומלכיאל הוא אבי **ברזות ברזית**³² וחבר הוליד את יפלט ואת שומר ואת חותם ואת שועא אחותם³³ ובני יפלט פסך ובמהל ועשות אלה בני יפלט³⁴ ובני שמר אחי **ורוהגה ורהגה יחבה וחבה** וארם³⁵ ובן הלם אחיו צופח וימנע ושלש ועמל³⁶ בני צופח סוח וחרנפר ושועל וברי וימרה³⁷ בצר והוד ושמא ושלשה ויתרן ובארא³⁸ ובני יתר יפנה ופספה וארא³⁹ ובני עלא ארח וחניאל ורציא⁴⁰ כל אלה בני אשר ראשי בית האבות ברורים גבורי חילים ראשי הנשיאים והתיחשם בצבא במלחמה

9 וכל ישראל התיחשו והגם כתובים על ספר מלכי ישראל ויהודה הגלו לבבל במעלם ² והיושבים הראשנים אשר באחזתם בעריהם ישראל הכהנים הלויים והנתינים ³ ובירושלם ישבו מן בני יהודה ומן בני בנימן ומן בני אפרים ומנשה ⁴ עותי בן עמיהוד בן עמרי בן אמרי בן ^{בנימן} בני מן בני פרץ בן יהודה ⁵ ומן השילוני עשיה הבכור ובניו ⁶ ומן בני זרח יעואל ואחיהם שש מאות ותשעים ⁷ ומן בני בנימן סלוא בן משלם בן הודויה בן הסנאה ⁸ ויבניה בן ירחם ואלה בן עזי בן מכרי ומשלם בן שפטיה בן רעואל בן יבניה ⁹ ואחיהם לתלדותם תשע מאות וחמשים וששה כל אלה אנשים ראשי אבות לבית אבתיהם ¹⁰ ומן הכהנים ידעיה ויהויריב ויכין ¹¹ ועזריה בן חלקיה בן משלם בן צדוק בן מריות בן אחיטוב נגיד בית האלהים ¹² ועדיה בן ירחם בן פשחור בן מלכיה ומעשי בן עדיאל בן יחזרה בן משלם בן משלמית בן אמר ¹³ ואחיהם ראשים לבית אבותם אלף ושבע מאות וששים גבורי חיל מלאכת עבודת בית האלהים ¹⁴ ומן הלויים שמעיה בן חשוב בן עזריקם בן חשביה מן בני מררי ¹⁵ ובקבקר חרש וגלל ומתניה בן מיכא בן זכרי בן

וענתתיה ²⁵ ויפדיה ²⁵ ופניאל ²⁵ ופנואל בני ששק ²⁶ ושמשרי ושחריה ועתליה ²⁷ ויערשיה ואליה זכרי בני ירחם ²⁸ אלה ראשי אבות לתלדותם ראשים אלה ישבו בירושלם ²⁹ ובגבעון ישבו אבי גבעון ושם אשתו מעכה ³⁰ ובנו הבכור עבדון וצור וקיש ובעל ונדב ³¹ וגדור ואחיו זכר ³² ומקלות הוליד את שמאה ואף המה נגד אחיהם ישבו בירושלם עם אחיהם ³³ ונר הוליד את קיש וקיש הוליד את שאול ושאול הוליד את יהונתן ואת מלכי שוע ואת אבינדב ואת אשבעל ³⁴ ובן יהונתן מריב בעל ומריב בעל הוליד את מיכה ³⁵ ובני מיכה פיתון ומלך ותארע ואחז ³⁶ ואחז הוליד את יהועדה ויהועדה הוליד את עלמת ואת עזמות ואת זמרי וזמרי הוליד את מוצא ³⁷ ומוצא הוליד את בנעא רפה בנו אלעשה בנו אצל בנו ³⁸ ולאצל ששה בנים ואלה שמותם עזריקם בכרו וישמעאל ושעריה ועבדיה וחנון כל אלה בני אצל ³⁹ ובני עשק אחיו אולם בכרו יעוש השני ואלילפלט השלשי ⁴⁰ ויהיו בני אולם אנשים גברי חיל דרכי קשת ומרבים בנים ובני בנים מאה וחמשים כל אלה מבני בנימן פ

אסף¹⁶ ועבדיה בן שמעיה בן גלל בן
 ידותון וברכיה בן אסא בן אלקנה היושב
 בחצרי נטופתי¹⁷ והשערים שלום ועקוב
 וטלמן ואחימן ואחיהם שלום
 הראש¹⁸ ועד הנה בשער המלך מזרחה
 המה השערים למחנות בני לוי¹⁹ ושלום
 בן קורא בן אביסף בן קרח ואחיו לבית
 אביו הקרחים על מלאכת העבודה שמרי
 הספים לאהל ואבתיהם על מחנה יהוה
 שמרי המבוא²⁰ ופינחס בן אלעזר נגיד
 היה עליהם לפנים יהוה עמו²¹ זכריה בן
 משלמיה שער פתח לאהל מועד²² כלם
 הברורים לשערים בספים מאתים ושנים
 עשר המה בחצריהם התיחשם המה יסד
 דויד ושמואל הראה באמונתם²³ והם
 ובניהם על השערים לבית יהוה לבית
 האהל למשמרות²⁴ לארבע רוחות יהו
 השערים מזרח ימה צפונה
 ונגבה²⁵ ואחיהם בחצריהם לבוא
 לשבעת הימים מעת אל עת עם
 אלה²⁶ כי באמונה המה ארבעת גברי
 השערים הם הלויים והיו על הלשכות ועל
 האצרות בית האלהים²⁷ וסביבות בית
 האלהים ילינו כי עליהם משמרת והם על
 המפתח ולבקר לבקר²⁸ ומהם על כלי
 העבודה כי במספר יביאום ובמספר
 יוציאום²⁹ ומהם ממנים על הכלים ועל
 כל כלי הקדש ועל הסלת והיין והשמן
 והלבונה והבשמים³⁰ ומן בני הכהנים
 אצל פ

רקחי המרקחת לבשמים³¹ ומתתיה מן
 הלויים הוא הבכור לשלם הקרחי באמונה
 על מעשה החבתים³² ומן בני הקהתי מן
 אחיהם על לחם המערכת להכין שבת
 שבת פ³³ ואלה המשררים ראשי
 אבות ללויים בלשכת פטירים פטורים כי
 יומם ולילה עליהם במלאכה³⁴ אלה
 ראשי האבות ללויים לתלדותם ראשים
 אלה ישבו בירושלם פ
³⁵ ובגבעון ישבו אבי גבעון יעואל יעואל
 ושם אשתו מעכה³⁶ ובנו הבכור עבדון
 וצור וקיש ובעל ונר ונדב³⁷ וגדור ואחיו
 זכריה ומקלות³⁸ ומקלות הוליד את
 שמאם ואף הם נגד אחיהם ישבו
 בירושלם עם אחיהם פ³⁹ ונר הוליד
 את קיש וקיש הוליד את שאול ושאול
 הוליד את יהונתן ואת מלכי שוע ואת
 אבינדב ואת אשבעל⁴⁰ ובן יהונתן מריב
 בעל ומרי בעל הוליד את מיכה⁴¹ ובני
 מיכה פיתון ומלך ותחרע⁴² ואחז הוליד
 את יערה ויערה הוליד את עלמת ואת
 עזמות ואת זמרי וזמרי הוליד את
 מוצא⁴³ ומוצא הוליד את בנעא ורפיה
 בנו אלעשה בנו אצל בנו⁴⁴ ולאצל ששה
 בנים ואלה שמותם עזריקם בכרו
 וישמעאל ושעריה ועבדיה וחנון אלה בני
 אצל פ

גופת בניו ויביאום יבישה ויקברו את עצמותיהם תחת האלה ביבש ויצומו שבעת ימים¹³ וימת שאול במעלו אשר מעל ביהוה על דבר יהוה אשר לא שמר וגם לשאול באוב לדרוש¹⁴ ולא דרש ביהוה וימיתו ויסב את המלוכה לדויד בן ישי פ

11 ויקבצו כל ישראל אל דויד חברונה לאמר הנה עצמך ובשרך אנחנו² גם תמול גם שלשום גם בהיות שאול מלך אתה המוציא והמביא את ישראל ויאמר יהוה אלהיך לך אתה תרעה את עמי את ישראל ואתה תהיה נגיד על עמי ישראל³ ויבאו כל זקני ישראל אל המלך חברונה ויכרת להם דויד ברית בחברון לפני יהוה וימשחו את דויד למלך על ישראל כדבר יהוה ביד שמואל⁴ וילך דויד וכל ישראל ירושלם היא יבוס ושם היבوسی ישבי הארץ⁵ ויאמרו ישבי יבוס לדויד לא תבוא הנה וילכד דויד את מצדת ציון היא עיר דויד⁶ ויאמר דויד כל מכה יבوسی בראשונה יהיה לראש ולשר ויעל בראשונה יואב בן צרויה והי לראש⁷ וישב דויד במצד על כן קראו לו עיר דויד⁸ ויבן העיר מסביב מן המלוא ועד הסביב ויואב יחיה את שאר העיר⁹ וילך דויד הלוך וגדול ויהוה

10 ופלשתים נלחמו בישראל וינס איש ישראל מפני פלשתים ויפלו חללים בהר גלבע² וידבקו פלשתים אחרי שאול ואחרי בניו ויכו פלשתים את יונתן ואת אבינדב ואת מלכי שוע בני שאול³ ותכבד המלחמה על שאול וימצאהו המורים בקשת ויחל מן היורים⁴ ויאמר שאול אל נשא כליו שלף חרבך ודקרני בה פן יבאו הערלים האלה והתעללו בי ולא אבה נשא כליו כי ירא מאד ׀ ויקח שאול את החרב ויפל עליה⁵ וירא נשא כליו כי מת שאול ויפל גם הוא על החרב וימת ׀⁶ וימת שאול ושלושת בניו וכל ביתו יחדו מתו⁷ ויראו כל איש ישראל אשר בעמק כי נסו וכי מתו שאול ובניו ויעזבו עריהם וינסו ויבאו פלשתים וישבו בהם ׀⁸ ויהי ממחרת ויבאו פלשתים לפשט את החללים וימצאו את שאול ואת בניו נפלים בהר גלבע⁹ ויפשיטהו וישאו את ראשו ואת כליו וישלחו בארץ פלשתים¹ סביב לבשר את עצביהם ואת העם¹⁰ וישימו את כליו בית אלהיהם ואת גלגלתו תקעו בית דגון ׀¹¹ וישמעו כל יביש גלעד את כל אשר עשו פלשתים לשאול¹² ויקומו כל איש חיל וישאו את גופת שאול ואת

1 BHS has been faithful to the Leningrad Codex where there might be a question of the validity of the form and we keep the same form as BHS.

הגבורים²⁰ ואבשי אחי יואב הוא^c היה
 ראש השלושה והוא עורר את חניתו על
 שלש מאות חלל^{ולא} ולו שם
 בשלושה²¹ מן השלושה בשנים נכבד
 ויהי להם לשר ועד השלושה לא
 בא²² בניה בן יהודע בן איש חיל
 רב פעלים מן קבצאל הוא הכה את שני
 אריאל מואב והוא ירד והכה את הארי
 בתוך הבור ביום השלג²³ והוא הכה את
 האיש המצרי איש מדה חמש באמה
 וביד המצרי חנית כמנור ארגים וירד אליו
 בשבט ויגזל את החנית מיד המצרי
 ויהרגהו בחניתו²⁴ אלה עשה בניהו בן
 יהודע ולו שם בשלושה הגברים²⁵ מן
 השלושים הנו נכבד הוא ואל השלושה
 לא בא וישימהו דויד על
 משמעתו²⁶ וגבורי החילים עשה
 אל אחי יואב אלחנן בן דודו מבית
 לחם²⁷ שמות ההרורי חלץ
 הפלוני²⁸ עירא בן עקש התקועי
 אביעזר הענתותי²⁹ סבכי החשתי
 עילי האחוחי³⁰ מהרי הנטפתי חלד
 בן בענה הנטופתי³¹ איתי בן ריבי
 מגבעת בני בנימן³² בני
 הפרעתני³² חורי מנחלי געש
 אביאל³³ הערבתי³³ עזמות
 הבחרומי אליחבא השעלבני³⁴ בני

צבאות עמו פ
 ואלה ראשי הגבורים אשר לדויד¹⁰
 המתחזקים עמו במלכותו עם כל ישראל
 להמליכו כדבר יהוה על
 ישראל¹¹ ואלה מספר הגברים
 אשר לדויד ישבעם בן חכמוני ראש
 השלושים השלישים הוא עורר את חניתו
 על שלש מאות חלל בפעם
 אחת¹² ואחריו אלעזר בן דודו האחוחי
 הוא בשלושה הגברים¹³ הוא היה עם
 דויד בפס דמים והפלשתים נאספו שם
 למלחמה ותהי חלקת השדה מלאה
 שעורים והעם נסו מפני
 פלשתים¹⁴ ויתיצבו בתוך החלקה ויצילוה
 ויכו את פלשתים ויושע יהוה תשועה
 גדולה¹⁵ וירדו שלושה מן השלושים ראש
 על הצר אל דויד אל מערת עדלם ומחנה
 פלשתים חנה בעמק רפאים¹⁶ ודויד אז
 במצודה ונציב פלשתים אז בבית
 לחם¹⁷ ויתאו דויד ויאמר מי ישקני
 מים מבור בית לחם אשר
 בשער¹⁸ ויבקעו השלשה במחנה
 פלשתים וישאבו מים מבור בית לחם
 אשר בשער וישאו ויבאו אל דויד ולא
 אבה דויד לשתותם וינסך אתם
 ליהוה¹⁹ ויאמר חלילה לי מאלהי מעשות
 זאת הדם האנשים האלה אשתה
 בנפשותם כי בנפשותם הביאום ולא
 אבה לשתותם אלה עשו שלשת

c We read one or more accents in L differently than
 BHS. Often this notation indicates a typographical
 error in BHS.

הגדרתי⁶ אלעוזי וירימות ובעליה
 ושמריהו ושפטיהו **החריפי**
 החרופי⁷ אלקנה וישיהו ועזראל ויועזר
 וישבעם הקרחים⁸ ויועאלה וזבדיה בני
 ירחם מן הגדור⁹ ומן הגדי נבדלו אל דויד
 למצד מדברה גברי החיל אנשי צבא
 למלחמה ערכי צנה ורמח לפני אריה
 פניהם וכצבאים על ההרים
 למהר¹⁰ עזר הראש עבדיה השני
 אליאב השלשי¹¹ משמנה הרביעי ירמיה
 החמשי¹² עתי הששי אליאל
 השבעי¹³ יוחנן השמיני אלזבד
 התשיעי¹⁴ ירמיהו העשירי¹⁵ מכבני
 עשתי עשר¹⁶ אלה מבני גד ראשי הצבא
 אחד למאה הקטן והגדול לאלף¹⁷ אלה
 הם אשר עברו את הירדן בחדש הראשון
 והוא ממלא על כל **גדיתיו** גדותיו ויבריתו
 את כל העמקים למזרח
 ולמערב¹⁸ ויבאו מן בני בנימן
 ויהודה עד למצד לדויד¹⁹ ויצא דויד
 לפניהם ויען ויאמר להם אם לשלום
 באתם אלי לעזרני יהיה לי עליכם לבב
 ליחד ואם לרמותני לצרי בלא חמס בכפי
 ירא אלהי אבותינו ויוכח²⁰ ורוח
 לבשה את עמשי ראש **השלושים** השלישים
 לך דויד ועמך בן ישי שלום שלום לך
 ושלום לעזרך כי עזרך אלהיך ויקבלם
 דויד ויתנם בראשי הגדוד פ
 וממנשה נפלו על דויד בבאו עם

השם הגזוני יונתן בן שגה
 ההררי³⁵ אחיאם בן שכר ההררי
 אליפל בן אור³⁶ חפר המכרתי
 אחיה הפלני³⁷ חצרו הכרמלי נערי
 בן אזבי³⁸ יואל אחי נתן מבחר בן
 הגרי³⁹ צלק העמוני נחרי הברתי
 נשא כלי יואב בן צרויה⁴⁰ עירא
 היתרי גרב היתרי⁴¹ אוריה החתי
 זבד בן אחלי⁴² עדינא בן שיזא
 הראובני ראש לראובני ועליו
 שלושים⁴³ חנן בן מעכה ויושפט
 המתני⁴⁴ עזיא העשתרתי שמע
ויעאל ויעיאל⁴⁵ בני חותם
 הערערי⁴⁶ ידיעאל בן שמרי ויחא
 אחיו התיצי⁴⁷ אליאל המחויים
 ויריבי ויושויה בני אלנעם ויתמה
 המואבי⁴⁸ אליאל ועובד ויעשיאל
 המצביה פ

12 ואלה הבאים אל דויד לציקלג עוד
 עצור מפני שאול בן קיש והמה בגבורים
 עזרי המלחמה² נשקי קשת מימינים
 ומשמאלים באבנים ובחצים בקשת מאחי
 שאול מבנימן³ הראש אחיעזר ויואש בני
 השמעה הגבעתי **ויזאל** ויזאל⁴ ופלט בני
 עזמות וברכה ויהוא הענתתי⁵ וישמעיה
 הגבעוני גבור בשלשים ועל
 השלשים⁶ וירמיה ויחזיאל ויוחנן ויוזבד

יעשה ישראל ראשיהם מאתים וכל אחיהם על פיהם ׀ ³⁴ מזבלון יוצאי צבא ערכי מלחמה בכל כלי מלחמה חמשים אלף ולעדר בלא לב ולב ׀ ³⁵ ומנפתלי שרים אלף ועמהם בצנה וחנית שלשים ושבעה אלף ׀ ³⁶ ומן הדני ערכי מלחמה עשרים ושמונה אלף ושש מאות ׀ ³⁷ ומאשר יוצאי צבא לערך מלחמה ארבעים אלף ׀ ³⁸ ומעבר לירדן מן הראובני והגדי וחצי שבט מנשה בכל כלי צבא מלחמה מאה ועשרים אלף ³⁹ כל אלה אנשי מלחמה עדרי מערכה בלבב שלם באו חברונה להמליך את דויד על כל ישראל וגם כל שרית ישראל לב אחד להמליך את דויד ⁴⁰ ויהיו שם עם דויד ימים שלושה אכלים ושותים כי הכינו להם אחיהם ⁴¹ וגם הקרובים אליהם עד יששכר וזבלון ונפתלי מביאים לחם בתמורים ובגמלים ובפרדים ובבקר מאכל קמח דבלים וצמוקים ויין ושמן ובקר וצאן לרב כי שמחה בישראל ׀

13 ויועץ דויד עם שרי האלפים והמאות לכל נגיד ² ויאמר דויד לכל קהל ישראל אם עליכם טוב ומן יהוה אלהינו נפרצה נשלחה על אחינו הנשארים בכל ארצות ישראל ועמהם הכהנים והלויים

פלשתים על שאול למלחמה ולא עזרם כי בעצה שלחהו סרני פלשתים לאמר בראשינו יפול אל אדניו שאול ²¹ בלכתו אל ציקלג נפלו עליו ממנשה עדנח ויוזבד וידיעאל ומיכאל ויוזבד ואליהוא וצלתי ראשי האלפים אשר למנשה ²² והמה עזרו עם דויד על הגדוד כי גבורי חיל כלם ויהיו שרים בצבא ²³ כי לעת יום ביום יבאו על דויד לעזרו עד למחנה גדול כמחנה ׀ אלהים ׀ ²⁴ ואלה מספרי ראשי החלוץ לצבא באו על דויד חברונה להסב מלכות שאול אליו כפי יהוה ׀ ²⁵ בני יהודה נשאי צנה ורמח ששת אלפים ושמונה מאות חלוצי צבא ׀ ²⁶ מן בני שמעון גבורי חיל לצבא שבעת אלפים ומאה ׀ ²⁷ מן בני הלוי ארבעת אלפים ושש מאות ׀ ²⁸ ויהוידע הנגיד לאהרן ועמו שלשת אלפים ושבע מאות ׀ ²⁹ וצדוק נער גבור חיל ובית אביו שרים עשרים ושנים ׀ ³⁰ ומן בני בנימין אחי שאול שלשת אלפים ועד הנה מרביתם שמרים משמרת בית שאול ׀ ³¹ ומן בני אפרים עשרים אלף ושמונה מאות גבורי חיל אנשי שמות לבית אבותם ׀ ³² ומחצי מטה מנשה שמונה עשר אלף אשר נקבו בשמות לבוא להמליך את דויד ׀ ³³ ומבני יששכר יודעי בינה לעתים לדעת מה

14 וישלח **חירם** **חורם** מלך צר מלאכים
 אל דויד ועצי ארזים וחרשי קיר וחרשי
 עצים לבנות לו בית ² וידע דויד כי הכינו
 יהוה למלך על ישראל כי נשאת למעלה
 מלכותו בעבור עמו ישראל ^פ
³ ויקח דויד עוד נשים בירושלם ויולד
 דויד עוד בנים ובנות ⁴ ואלה שמות
 הילודים אשר היו לו בירושלם שמוע
 ושובב נתן ושלמה ⁵ ויבחר ואלישוע
 ואלפלט ⁶ ונגה ונפג ויפיע ⁷ ואלישמע
 ובעלידע ואלילפט ⁸ וישמעו פלשתים כי
 נמשח דויד למלך על כל ישראל ויעלו כל
 פלשתים לבקש את דויד וישמע דויד
 ויצא לפניהם ⁹ ופלשתים באו ויפשטו
 בעמק רפאים ¹⁰ וישאל דויד באלהים
 לאמר האעלה על **פלשתיים** **פלשתים** ונתתם
 בידי ויאמר לו יהוה עלה ונתתים
 בידך ¹¹ ויעלו בבעל פרצים ויכס שם דויד
 ויאמר דויד פרץ האלהים את אויבי בידי
 כפרץ מים על כן קראו שם המקום ההוא
 בעל פרצים ¹² ויעזבו שם את אלהיהם
 ויאמר דויד וישרפו באש ^פ
¹³ ויסיפו עוד פלשתים ויפשטו
 בעמק ¹⁴ וישאל עוד דויד באלהים ויאמר
 לו האלהים לא תעלה אחריהם הסב
 מעליהם ובאת להם ממול הבכאים ¹⁵ ויהי
 כשמעך את קול הצעדה בראשי הבכאים
 אז תצא במלחמה כי יצא האלהים לפניך
 להכות את מחנה פלשתים ¹⁶ ויעש דויד

בערי מגרשיהם ויקבצו אלינו ³ ונסבה
 את ארון אלהינו אלינו כי לא דרשנהו
 בימי שאול ⁴ ויאמרו כל הקהל לעשות כן
 כי ישר הדבר בעיני כל העם ⁵ ויקהל דויד
 את כל ישראל מן שיחור מצרים ועד
 לבוא חמת להביא את ארון האלהים
 מקרית יערים ⁶ ויעל דויד וכל ישראל
 בעלתה אל קרית יערים אשר ליהודה
 להעלות משם את ארון האלהים יהוה
 יושב הכרובים אשר נקרא שם ⁷ וירכיבו
 את ארון האלהים על עגלה חדשה מבית
 אבינדב ועזא ואחיו נהגים בעגלה ⁸ ודויד
 וכל ישראל משחקים לפני האלהים בכל
 עז ובשירים ובכנרות ובנבלים ובתפים
 ובמצלתים ובחצצרות ⁹ ויבאו עד גרן כידן
 וישלח עזא את ידו לאחז את הארון כי
 שמטו הבקר ¹⁰ ויחר אף יהוה בעזא ויכהו
 על אשר שלח ידו על הארון וימת שם
 לפני אלהים ¹¹ ויחר לדויד כי פרץ יהוה
 פרץ בעזא ויקרא למקום ההוא פרץ עזא
 עד היום הזה ¹² ויירא דויד את האלהים
 ביום ההוא לאמר היך אביא אלי את
 ארון האלהים ¹³ ולא הסיר דויד את
 הארון אליו אל עיר דויד ויטהו אל בית
 עבד אדם הגתי ¹⁴ וישב ארון האלהים עם
 בית עבד אדם בביתו שלשה חדשים
 ויברך יהוה את בית עבד אדם ואת כל
 אשר

והלויים להעלות את ארון יהוה אלהי ישראל¹⁵ וישאו בני הלויים את ארון האלהים כאשר צוה משה כדבר יהוה בכתפם במטות עליהם^פ ויאמר דויד לשרי הלויים להעמיד את אחיהם המשררים בכלי שיר נבלים וכנרות ומצלתיים משמיעים להרים בקול לשמחה^פ

¹⁷ ויעמידו הלויים את הימן בן יואל ומן אחיו אסף בן ברכיהו^ס ומן בני מררי אחיהם איתן בן קושיהו¹⁸ ועמהם אחיהם המשנים זכריהו בן ויעזיאל ושמירמות ויחיאל ועני אליאב ובניהו ומעשיהו ומתתיהו ואליפלהו ומקניהו ועבד אדם ויעיאל השערים¹⁹ והמשררים הימן אסף ואיתן במצלתיים נחשת להשמיע²⁰ וזכריהו ועזיאל ושמירמות ויחיאל ועני ואליאב ומעשיהו ובניהו בנבלים על עלמות²¹ ומתתיהו ואליפלהו ומקניהו ועבד אדם ויעיאל ועזייהו בכנרות על השמינית לנצח²² וכניהו שר הלויים במשא יסר במשא כי מבין הוא²³ וברכיהו ואלקנה שערים לארון²⁴ ושבניהו ויושפט ונתנאל ועמשי וזכריהו ובניהו ואליעזר הכהנים **מחצרים** **מחצרים** בחצרות לפני ארון האלהים ועבד אדם ויחיה שערים לארון²⁵ ויהי דויד וזקני ישראל ושרי האלפים ההלכים להעלות את ארון ברית יהוה מן בית עבד

כאשר צוהו האלהים ויכו את מחנה פלשתים מגבעון ועד גזרה¹⁷ ויצא שם דויד בכל הארצות ויהוה נתן את פחדו על כל הגוים

15 ויעש לו בתים בעיר דויד ויכן מקום לארון האלהים ויט לו אהל² אז אמר דויד לא לשאת את ארון האלהים כי אם הלויים כי בם בחר יהוה לשאת את ארון יהוה ולשרתו עד עולם³ ויקהל דויד את כל ישראל אל ירושלם להעלות את ארון יהוה אל מקומו אשר הכין לו⁴ ויאסף דויד את בני אהרן ואת הלויים⁵ לבני קהת אוריאל השר ואחיו מאה ועשרים⁶ לבני מררי עשיה השר ואחיו מאתים ועשרים⁷ לבני גרשום יואל השר ואחיו מאה ושלושים⁸ לבני אליצפן שמעיה השר ואחיו מאתים⁹ לבני חברון אליאל השר ואחיו שמונים¹⁰ לבני עזיאל עמינדב השר ואחיו מאה ושנים עשר¹¹ ויקרא דויד לצדוק ולאביתר הכהנים וללויים לאוריאל עשיה ויואל שמעיה ואליאל ועמינדב¹² ויאמר להם אתם ראשי האבות ללויים התקדשו אתם ואחיכם והעליתם את ארון יהוה אלהי ישראל אל הכינותי לו¹³ כי למבראשונה לא אתם פרץ יהוה אלהינו בנו כי לא דרשנהו כמשפט¹⁴ ויתקדשו הכהנים

דויד בראש להדות ליהוה ביד אסף
 ואחיו פ
⁸ הודו ליהוה קראו בשמו הודיעו בעמים
 עלילתיו ⁹ שירו לו זמרו לו שיחו בכל
 נפלאותיו ¹⁰ התהללו בשם קדשו ישמח
 לב מבקשי יהוה ¹¹ דרשו יהוה ועזו בקשו
 פניו תמיד ¹² זכרו נפלאותיו אשר עשה
 מפתיו ומשפטי פיהו ¹³ זרע ישראל עבדו
 בני יעקב בחיריו ¹⁴ הוא יהוה אלהינו בכל
 הארץ משפטיו ¹⁵ זכרו לעולם בריתו דבר
 צוה לאלף דור ¹⁶ אשר כרת את אברהם
 ושבעתו ליצחק ¹⁷ ויעמידה ליעקב לחק
 לישראל ברית עולם ¹⁸ לאמר לך אתן
 ארץ כנען חבל נחלתכם ¹⁹ בהיותכם מתי
 מספר כמעט וגרים בה ²⁰ ויתהלכו מגוי
 אל גוי ומממלכה אל עם אחר ²¹ לא הניח
 לאיש לעשקם ויוכח עליהם מלכים ²² אל
 תגעו במשיחי ובנביאי אל תרעו פ
²³ שירו ליהוה כל הארץ בשרו מיום אל
 יום ישועתו ²⁴ ספרו בגוים את כבודו בכל
 העמים נפלאותיו ²⁵ כי גדול יהוה ומהלל
 מאד ונורא הוא על כל אלהים ²⁶ כי כל
 אלהי העמים אלילים ויהוה שמים
 עשה ²⁷ הוד והדר לפניו עז וחדוה
 במקמו ²⁸ הבו ליהוה משפחות עמים הבו
 ליהוה כבוד ועז ²⁹ הבו ליהוה כבוד שמו
 שאו מנחה ובאו לפניו השתחוו ליהוה
 בהדרת קדש ³⁰ חילו מלפניו כל הארץ

אדם בשמחה פ ויהי בעזר האלהים
 את הלויים נשאי ארון ברית יהוה ויזבחו
 שבעה פרים ושבעה אילים ²⁷ ודויד
 מכרבל במעיל בוג וכל הלויים הנשאים
 את הארון והמשררים וכנניה השר
 המשא המשררים ועל דויד אפוד
 בד ²⁸ וכל ישראל מעלים את ארון ברית
 יהוה בתרועה ובקול שופר ובחצצרות
 ובמצלתים משמעים בנבלים
 וכנרות ²⁹ ויהי ארון ברית יהוה בא עד
 עיר דויד ומיכל בת שאול נשקפה בעד
 החלון ותרא את המלך דויד מרקד
 ומשחק ותבו לו בלבה פ

16 ויביאו את ארון האלהים ויציגו אתו
 בתוך האהל אשר נטה לו דויד ויקריבו
 עלות ושלמים לפני האלהים ² ויכל דויד
 מהעלות העלה והשלמים ויברך את העם
 בשם יהוה ³ ויחלק לכל איש ישראל
 מאיש ועד אשה לאיש ככר לחם ואשפר
 ואשישה ⁴ ויתן לפני ארון יהוה מן הלויים
 משרתים ולהזכיר ולהודות ולהלל ליהוה
 אלהי ישראל פ
⁵ אסף הראש ומשנהו זכריה יעיאל
 ושמירמות ויחיאל ומתתיה ואליאב
 ובניהו ועבד אדם ויעיאל בכלי נבלים
 ובכנרות ואסף במצלתים משמיע ⁶ ובניהו
 ויחיאל הכהנים בחצצרות תמיד לפני
 ארון ברית האלהים ⁷ ביום ההוא אז נתן

דויד אל נתן הנביא הנה אנכי יושב בבית
 הארזים וארון ברית יהוה תחת
 יריעות² ויאמר נתן אל דויד כל אשר
 בלבבך עשה כי האלהים עמך³ ויהי
 בלילה ההוא ויהי דבר אלהים אל נתן
 לאמר⁴ לך ואמרת אל דויד עבדי כה
 אמר יהוה לא אתה תבנה לי הבית
 לשבת⁵ כי לא ישבתי בבית מן היום
 אשר העליתי את ישראל עד היום הזה
 ואהיה מאהל אל אהל וממשכן⁶ בכל
 אשר התהלכתי בכל ישראל הדבר
 דברתי את אחד שפטי ישראל אשר
 צייתי לרעות את עמי לאמר למה לא
 בניתם לי בית ארזים⁷ ועתה כה תאמר
 לעבדי לדויד⁸ כה אמר יהוה צבאות
 אני לקחתך מן הנוה מן אחרי הצאן
 להיות נגיד על עמי ישראל⁸ ואהיה עמך
 בכל אשר הלכת ואכרית את כל אויביך
 מפניך ועשיתי לך שם כשם הגדולים
 אשר בארץ⁹ ושמתי מקום לעמי ישראל
 ונטעתיהו ושכן תחתיו ולא ירגז עוד ולא
 יוסיפו בני עולה לבלתו כאשר
 בראשונה¹⁰ ולמימים אשר צייתי שפטים
 על עמי ישראל והכנעתי את כל אויביך
 ואגד לך ובית יבנה לך יהוה¹¹ והיה כי
 מלאו ימך ללכת עם אבתיך והקימותי
 את זרעך אחרריך אשר יהיה מבניך
 והכינותי את מלכותו¹² הוא יבנה לי בית
 וכננתי את כסאו עד עולם¹³ אני אהיה לו

אף תכון תבל בל תמוט³¹ ישמחו השמים
 ותגל הארץ ויאמרו בגוים יהוה
 מלך³² ירעם הים ומלואו יעלץ השדה וכל
 אשר בו³³ אז ירננו עצי היער מלפני יהוה
 כי בא לשפוט את הארץ³⁴ הודו ליהוה
 כי טוב כי לעולם חסדו³⁵ ואמרו הושיענו
 אלהי ישענו וקבצנו והצילנו מן הגוים
 להדות לשם קדשך להשתבח
 בתהלתך³⁶ ברוך יהוה אלהי ישראל מן
 העולם ועד העלם ויאמרו כל העם אמן
 והלל ליהוה³⁷ ויעזב שם לפני ארון ברית יהוה לאסף
 ולאחיו לשרת לפני הארון תמיד לדבר
 יום ביומו³⁸ ועבד אדם ואחיהם ששים
 ושמונה ועבד אדם בן ידיתון וחסה
 לשערים³⁹ ואת צדוק הכהן ואחיו
 הכהנים לפני משכן יהוה בבמה אשר
 בגבעון⁴⁰ להעלות עלות ליהוה על מזבח
 העלה תמיד לבקר ולערב ולכל הכתוב
 בתורת יהוה אשר צוה על
 ישראל⁴¹ ועמהם הימן וידותון ושאר
 הברורים אשר נקבו בשמות להדות
 ליהוה כי לעולם חסדו⁴² ועמהם הימן
 וידותון חצצרות ומצלתיים למשמיעים
 וכלי שיר האלהים ובני ידותון
 לשער⁴³ וילכו כל העם איש לביתו ויסב
 דויד לברך את ביתו פ

17 ויהי כאשר ישב דויד בביתו ויאמר

אתה אלהי גלית את אֶזְנֵי עַבְדְּךָ לַבְּנוֹת לֹ
בֵּית עַל כֵּן מִצֵּא עַבְדְּךָ לְהַתְּפַלֵּל
לְפָנֶיךָ²⁶ וְעַתָּה יְהוָה אֱתָה הוּא אֱלֹהִים
וְתִדְבֹר עַל עַבְדְּךָ הַטּוֹבָה הַזֹּאת²⁷ וְעַתָּה
הוֹאֵלֶת לְבָרֵךְ אֶת בֵּית עַבְדְּךָ לְהִיּוֹת
לְעוֹלָם לְפָנֶיךָ כִּי אֱתָה יְהוָה בְּרַכְתָּ וּמְבָרֵךְ
לְעוֹלָם פ

18 וַיְהִי אַחֲרָיו כֵּן וַיֵּךְ דָּוִד אֶת פְּלִשְׁתִּים
וַיִּכְנָעִם וַיִּקַּח אֶת גֵּת וּבִנְתָיָהּ מִיַּד
פְּלִשְׁתִּים² וַיֵּךְ אֶת מוֹאָב וַיְהִיו מוֹאָב
עַבְדִּים לְדָוִד נְשָׂאֵי מִנְחָה³ וַיֵּךְ דָּוִד אֶת
הַדְּדַעְזוֹר מֶלֶךְ צוּבָה חֲמַתָּה בִּלְכַתּוֹ לְהַצִּיב
יָדוֹ בְּנֵהָר פְּרַת⁴ וַיִּלְכַּד דָּוִד מִמֶּנּוּ אֶלְפָּ
רֶכֶב וְשִׁבְעַת אֲלָפִים פְּרָשִׁים וְעֶשְׂרִים אֲלָפֵי
אִישׁ רִגְלֵי וַיַּעֲקֹר דָּוִד אֶת כָּל הַרְכָב וַיֹּתֵר
מִמֶּנּוּ מֵאָה רֶכֶב⁵ וַיָּבֵא אֶרֶם דְּרַמְשֶׁק
לְעִזּוֹר לְהַדְּדַעְזוֹר מֶלֶךְ צוּבָה וַיֵּךְ דָּוִד
בְּאֶרֶם עֶשְׂרִים וּשְׁנַיִם אֲלָפֵי אִישׁ⁶ וַיִּשֶׁם
דָּוִד בְּאֶרֶם דְּרַמְשֶׁק וַיְהִי אֶרֶם לְדָוִד
עַבְדִּים נְשָׂאֵי מִנְחָה וַיֹּשַׁע יְהוָה לְדָוִד
בְּכָל אֲשֶׁר הִלֵּךְ⁷ וַיִּקַּח דָּוִד אֶת שְׁלֹטֵי
הַזֹּהָב אֲשֶׁר הָיוּ עַל עַבְדֵי הַדְּדַעְזוֹר וַיָּבִיֵאֵם
יְרוּשָׁלַם⁸ וּמִטְבַּחַת וּמִכּוֹן עֲרֵי הַדְּדַעְזוֹר
לְקַח דָּוִד נְחֹשֶׁת רַבָּה מְאֹד בַּה עָשָׂה
שְׁלֹמֹה אֶת יַם הַנְּחֹשֶׁת וְאֶת הָעֲמוּדִים
וְאֶת כְּלֵי הַנְּחֹשֶׁת פ
⁹ וַיִּשְׁמַע תְּעוֹ מֶלֶךְ חֲמַת כִּי הִכָּה דָּוִד אֶת
כָּל חֵיל הַדְּדַעְזוֹר מֶלֶךְ צוּבָה¹⁰ וַיִּשְׁלַח אֶת

לְאָב וְהוּא יְהִי לִי לְבֵן וְחֹסְדִי לֹא אֲסִיר
מִמֶּנּוּ כְּאֲשֶׁר הִסִּירוּתִי מֵאֲשֶׁר הָיָה
לְפָנֶיךָ¹⁴ וְהָעֲמַדְתִּיהוּ בְּבֵיתִי וּבְמִלְכוּתִי עַד
הָעוֹלָם וְכִסְאוֹ יְהִי נֶכּוֹן עַד עוֹלָם¹⁵ כְּכָל
הַדְּבָרִים הָאֵלֶּה וְכָכָל הַחֲזוֹן הַזֶּה כֵּן דְּבַר
נָתַן אֶל דָּוִד פ
¹⁶ וַיָּבֵא הַמֶּלֶךְ דָּוִד וַיֵּשֶׁב לְפָנָיו יְהוָה וַיֹּאמֶר
מִי אֲנִי יְהוָה אֱלֹהִים וּמִי בֵיתִי כִּי הֵבִיאֲתָנִי
עַד הַלֵּם¹⁷ וְתִקְטֹן זֹאת בְּעֵינֶיךָ אֱלֹהִים
וְתִדְבֹר עַל בֵּית עַבְדְּךָ לְמִרְחוֹק וּרְאִיתָנִי
כְּתוֹר הָאָדָם הַמַּעֲלָה יְהוָה אֱלֹהִים¹⁸ מֵהָ
יּוֹסִיף עוֹד דָּוִד אֶלֶיךָ לְכַבּוֹד אֶת עַבְדְּךָ
וְאֵתָה אֶת עַבְדְּךָ יָדַעַת¹⁹ יְהוָה בְּעִבּוֹר
עַבְדְּךָ וְכִלְבֵּךְ עֲשִׂיתָ אֶת כָּל הַגְּדוּלָה הַזֹּאת
לְהַדִּיעַ אֶת כָּל הַגְּדוּלוֹת²⁰ יְהוָה אֵין כְּמוֹךָ
וְאֵין אֱלֹהִים זּוֹלָתְךָ בְּכָל אֲשֶׁר שָׁמַעְנוּ
בְּאַזְנֵינוּ²¹ וּמִי כַעֲמֶךָ יִשְׂרָאֵל גּוֹי אֶחָד
בְּאַרְץ אֲשֶׁר הִלֵּךְ הָאֱלֹהִים לְפָדוֹת לֹא עָם
לְשׁוֹם לֶךְ שֵׁם גְּדוּלוֹת וְנִרְאוֹת לְגִרְשׁ מִפְּנֵי
עַמְּךָ אֲשֶׁר פָּדִיתָ מִמִּצְרַיִם גּוֹיִם²² וְתִתֵּן
אֶת עַמְּךָ^c יִשְׂרָאֵל לֶךְ לְעַם עַד עוֹלָם וְאֵתָה
יְהוָה הֵייתָ לָהֶם לְאֱלֹהִים²³ וְעַתָּה יְהוָה
הַדְּבַר אֲשֶׁר דְּבַרְתָּ עַל עַבְדְּךָ וְעַל בֵּיתוֹ
יֵאֱמָן עַד עוֹלָם וְעָשָׂה כְּאֲשֶׁר
דְּבַרְתָּ²⁴ וַיֵּאֱמָן וַיִּגְדַּל שִׁמְךָ עַד עוֹלָם
לְאֹמֶר יְהוָה צְבָאוֹת אֱלֹהֵי יִשְׂרָאֵל אֱלֹהִים
לְיִשְׂרָאֵל וּבֵית דָּוִד עַבְדְּךָ נֶכּוֹן לְפָנֶיךָ²⁵ כִּי

^c We read one or more accents in L differently than BHS. Often this notation indicates a typographical error in BHS.

4 ויקח חנון את עבדי דויד ויגלחם ויכרת
 את מדויהם בחצי עד המפשעה
 וישלחם⁵ וילכו ויגידו לדויד על האנשים
 וישלח לקראתם כי היו האנשים נכלמים
 מאד ויאמר המלך שבו בירחו עד אשר
 יצמח זקנכם ושבתם⁶ ויראו בני עמון כי
 התבאשו עם דויד וישלח חנון ובני עמון
 אלף ככר כסף לשכר להם מן ארם
 נהרים ומן ארם מעכה ומצובה רכב
 ופרשים⁷ וישכרו להם שנים ושלישים
 אלף רכב ואת מלך מעכה ואת עמו
 ויבאו ויחנו לפני מידבא ובני עמון נאספו
 מעריהם ויבאו למלחמה פ
 8 וישמע דויד וישלח את יואב ואת כל
 צבא הגבורים⁹ ויצאו בני עמון ויערכו
 מלחמה פתח העיר והמלכים אשר באו
 לבדם בשדה¹⁰ וירא יואב כי היתה פני
 המלחמה אליו פנים ואחור ויבחר מכל
 בחור בישראל ויערך לקראת
 ארם¹¹ ואת יתר העם נתן ביד אבשי
 אחיו ויערכו לקראת בני עמון¹² ויאמר
 אם תחזק ממני ארם והיית לי לתשועה
 ואם בני עמון יחזקו ממך
 והושעתיד¹³ חזק ונתחזקה בעד עמנו
 ובעד ערי אלהינו ויהוה הטוב בעיניו
 יעשה¹⁴ ויגש יואב והעם אשר עמו לפני
 ארם למלחמה וינוסו מפניו¹⁵ ובני עמון
 ראו כי נס ארם וינוסו גם הם מפני אבשי
 אחיו ויבאו העירה ויבא יואב ירושלם פ

הדורם בנו אל המלך דויד לשאל לשאל לו
 לשלום ולברכו על אשר נלחם בהדדעזר
 ויכהו כי איש מלחמות תעו היה הדדעזר
 וכל כלי זהב וכסף ונחשת¹¹ גם אתם
 הקדיש המלך דויד ליהוה עם הכסף
 והזהב אשר נשא מכל הגוים מאדום
 וממואב ומבני עמון ומפלשתים
 ומעמלק¹² ואבשי בן צרויה הכה את
 אדום בגיא המלח שמונה עשר
 אלף¹³ וישם באדום נציבים ויהיו כל
 אדום עבדים לדויד ויושע יהוה את דויד
 בכל אשר הלך¹⁴ וימלך דויד על כל
 ישראל ויהי עשה משפט וצדקה לכל
 עמו¹⁵ ויואב בן צרויה על הצבא
 ויהושפט בן אחילוד מזכיר¹⁶ וצדוק בן
 אחיטוב ואבימלך בן אביתר כהנים
 ושושא סופר¹⁷ ובניהו בן יהוידע על
 הכרתי והפלתי ובני דויד הראשנים ליד
 המלך פ

19 ויהי אחרי כן וימת נחש מלך בני
 עמון וימלך בנו תחתיו² ויאמר דויד
 אעשה חסד עם חנון בן נחש כי עשה
 אביו עמי חסד וישלח דויד מלאכים
 לנחמו על אביו ויבאו עבדי דויד אל ארץ
 בני עמון אל חנון לנחמו³ ויאמרו שרי בני
 עמון לחנון המכבד דויד את אביך בעיניך
 כי שלח לך מנחמים הלא בעבור לחקר
 ולהפך ולרגל הארץ באו עבדיו אליך פ

את פלשתים ויך אלחנן בן יעור יעיר את לחמי אחי גלית הגתי ועץ חניתו כמנור ארגים⁶ ותהי עוד מלחמה בגת ויהי איש מדה ואצבעתיו שש ושש עשרים וארבע וגם הוא נולד להרפא⁷ ויחרף את ישראל ויכהו יהונתן בן שמעא אחי דויד⁸ אל נולדו להרפא בגת ויפלו ביד דויד וביד עבדיו פ

21 ויעמד שטן על ישראל ויסת את דויד למנות את ישראל² ויאמר דויד אל יואב ואל שרי העם לכו ספרו את ישראל מבאר שבע ועד דן והביאו אלי ואדעה את מספרם³ ויאמר יואב יוסף יהוה על עמו כהם מאה פעמים הלא אדני המלך כלם לאדני לעבדים למה יבקש זאת אדני למה יהיה לאשמה לישראל⁴ ודבר המלך חזק על יואב ויצא יואב ויתהלך בכל ישראל ויבא ירושלם⁵ ויתן יואב את מספר מפקד העם אל דויד ויהי כל ישראל אלף אלפים ומאה אלף איש שלף חרב ויהודה ארבע מאות ושבעים אלף איש שלף חרב⁶ ולוי ובנימן לא פקד בתוכם כי נתעב דבר המלך את יואב⁷ וירע בעיני האלהים על הדבר הזה ויך את ישראל פ ויאמר דויד אל האלהים חטאתי מאד אשר עשיתי את הדבר הזה ועתה העבר נא את עוון עבדך כי נסכלתי מאד פ

¹⁶ וירא ארם כי נגפו לפני ישראל וישלחו מלאכים ויוציאו את ארם אשר מעבר הנהר ושופך שר צבא הדדעזר לפניהם¹⁷ ויגד לדויד ויאסף את כל ישראל ויעבר הירדן ויבא אלהם ויערך אלהם ויערך דויד לקראת ארם מלחמה וילחמו עמו¹⁸ וינס ארם מלפני ישראל ויהרג דויד מארם שבעת אלפים רכב וארבעים אלף איש רגלי ואת שופך שר הצבא המית¹⁹ ויראו עבדי הדדעזר כי נגפו לפני ישראל וישלימו עם דויד ויעבדהו ולא אבה ארם להושיע את בני עמו פ עוד פ

20 ויהי לעת תשובת השנה לעת צאת המלכים וינהג יואב את חיל הצבא וישחת את ארץ בני עמון ויבא ויצר את רבה ודויד ישב בירושלם ויך יואב את רבה ויהרסה² ויקח דויד את עטרת מלכם מעל ראשו וימצאה משקל ככר זהב ובה אבן יקרה ותהי על ראש דויד ושלל העיר הוציא הרבה מאד³ ואת העם אשר בה הוציא וישר במגרה ובחריצי הברזל ובמגרות וכן יעשה דויד לכל ערי בני עמון וישב דויד וכל העם ירושלם פ

⁴ ויהי אחריכן ותעמד מלחמה בגזר עם פלשתים אז הכה סבכי החשתי את ספי מילדי הרפאים ויכנעו⁵ ותהי עוד מלחמה

20 וישב בדבר גד אשר דבר בשם יהוה וישב
 ארנן וירא את המלאך וארבעת בניו עמו
 מתחבאים וארנן דש חטים²¹ ויבא דויד
 עד ארנן ויבט ארנן וירא את דויד ויצא
 מן הגרן וישתחו לדויד אפים
 ארצה²² ויאמר דויד אל ארנן תנה לי
 מקום הגרן ואבנה בו מזבח ליהוה בכסף
 מלא תנהו לי ותעצר המגפה מעל
 העם²³ ויאמר ארנן אל דויד קח לך ויעש
 אדני המלך הטוב בעיניו ראה נתתי
 הבקר לעלות והמורגים לעצים והחטים
 למנחה הכל נתתי²⁴ ויאמר המלך דויד
 לארנן לא כי קנה אקנה בכסף מלא כי
 לא אשא אשר לך ליהוה והעלות עולה
 חנם²⁵ ויתן דויד לארנן במקום שקלי זהב
 משקל שש מאות²⁶ ויבן שם דויד מזבח
 ליהוה ויעל עלות ושלמים ויקרא אל יהוה
 ויענהו באש מן השמים על מזבח העלה פ
 ויאמר יהוה למלאך וישב חרבו אל²⁷
 נדנה²⁸ בעת ההיא בראות דויד כי ענהו
 יהוה בגרן ארנן היבوسی ויזבח
 שם²⁹ ומשכן יהוה אשר עשה משה
 במדבר ומזבח העולה בעת ההיא בבמה
 בגבעון³⁰ ולא יכל דויד ללכת לפניו
 לדרש אלהים כי נבעת מפני חרב מלאך
 יהוה פ

22 ויאמר דויד זה הוא בית יהוה
 האלהים וזה מזבח לעלה

9 וידבר יהוה אל גד חזה דויד לאמר¹⁰ לך
 ודברת אל דויד לאמר כה אמר יהוה
 שלוש אני נטה עליך בחר לך אחת מהנה
 ואעשה לך¹¹ ויבא גד אל דויד ויאמר לו
 כה אמר יהוה קבל לך¹² אם שלוש שנים
 רעב ואם שלשה חדשים נספה מפני
 צריך וחרב אויבך למשגת ואם שלשת
 ימים חרב יהוה ודבר בארץ ומלאך יהוה
 משחית בכל גבול ישראל ועתה ראה מה
 אשיב את שלחי דבר פ
 ויאמר דויד אל גד צר לי מאד אפלה¹³
 נא ביד יהוה כי רבים רחמיו מאד וביד
 אדם אל אפל¹⁴ ויתן יהוה דבר בישראל
 ויפל מישראל שבעים אלף איש¹⁵ וישלח
 האלהים מלאך לירושלם להשחיתה
 וכהשחית ראה יהוה וינחם על הרעה
 ויאמר למלאך המשחית רב עתה הרף
 ידך ומלאך יהוה עמד עם גרן ארנן
 היבوسی פ¹⁶ וישא דויד את עיניו וירא
 את מלאך יהוה עמד בין הארץ ובין
 השמים וחרבו שלופה בידו נטויה על
 ירושלם ויפל דויד והזקנים מכסים
 בשקים על פניהם¹⁷ ויאמר דויד אל
 האלהים הלא אני אמרתי למנות בעם
 ואני הוא אשר חטאתי והרע הרעותי
 ואלה הצאן מה עשו יהוה אלהי תהי נא
 ידך בי ובבית אבי ובעמך לא
 למגפה פ¹⁸ ומלאך יהוה אמר אל גד
 לאמר לדויד כי יעלה דויד להקים מזבח
 ליהוה בגרן ארנן היבסי¹⁹ ויעל דויד

ואת המשפטים אשר צוה יהוה את משה על ישראל חזק ואמץ אל תירא ואל תחת¹⁴ והנה בעניי הכינותי לבית יהוה זהב ככרים מאה אלף וכסף אלף אלפים ככרים ולנחשת ולברזל אין משקל כי לרב היה ועצים ואבנים הכינותי ועליהם תוסיף¹⁵ ועמך לרב עשי מלאכה חצבים וחרשי אבן ועץ וכל חכם בכל מלאכה¹⁶ לזהב לכסף ולנחשת ולברזל אין מספר קום ועשה ויהי יהוה עמך¹⁷ ויצו דויד לכל שרי ישראל לעזר לשלמה בנו¹⁸ הלא יהוה אלהיכם עמכם והניח לכם מסביב כי נתן בידי את ישבי הארץ ונכבשה הארץ לפני יהוה ולפני עמו¹⁹ עתה תנו לבבכם ונפשכם לדרוש ליהוה אלהיכם וקומו ובנו את מקדש יהוה האלהים להביא את ארון ברית יהוה וכלי קדש האלהים לבית הנבנה לשם יהוה פ

23 ודויד זקן ושבע ימים וימלך את שלמה בנו על ישראל² ויאסף את כל שרי ישראל והכהנים והלויים³ ויספרו הלויים מבן שלשים שנה ומעלה ויהי מספרם לגלגלתם לגברים שלשים ושמונה אלף⁴ מאלה לנצח על מלאכת בית יהוה עשרים וארבעה אלף ושטרים ושפטים ששת אלפים⁵ וארבעת אלפים שערים וארבעת אלפים מהללים ליהוה

לישראל ס² ויאמר דויד לכנוס את הגרים אשר בארץ ישראל ויעמד חצבים לחצוב אבני גזית לבנות בית האלהים³ וברזל לרב למסמרים לדלתות השערים ולמחברות הכין דויד ונחשת לרב אין משקל⁴ ועצי ארזים לאין מספר כי הביאו הצידנים והצרים עצי ארזים לרב לדויד פ⁵ ויאמר דויד שלמה בני נער ורך והבית לבנות ליהוה להגדיל למעלה לשם ולתפארת לכל הארצות אכינה נא לו ויכן דויד לרב לפני מותו⁶ ויקרא לשלמה בנו ויצוהו לבנות בית ליהוה אלהי ישראל ס⁷ ויאמר דויד לשלמה **בני בני** אני היה עם לבבי לבנות בית לשם יהוה אלהי⁸ ויהי עלי דבר יהוה לאמר דם לרב שפכת ומלחמות גדלות עשית לא תבנה בית לשמי כי דמים רבים שפכת ארצה לפני⁹ הנה בן נולד לך הוא יהיה איש מנוחה והנחותי לו מכל אויביו מסביב כי שלמה יהיה שמו ושלוש ושקט אתן על ישראל בימיו¹⁰ הוא יבנה בית לשמי והוא יהיה לי לבן ואני לו לאב והכינותי כסא מלכותו על ישראל עד עולם¹¹ עתה בני יהי יהוה עמך והצלחת ובנית בית יהוה אלהיך כאשר דבר עליך¹² אך יתן לך יהוה שכל ובינה ויצוד על ישראל ולשמור את תורת יהוה אלהיך¹³ אז תצליח אם תשמור לעשות את החקים

ראשי האבות לפקודיהם במספר שמות
 לגלגלתם עשה המלאכה לעבדת בית
 יהוה מבן עשרים שנה ומעלה ²⁵ כי אמר
 דויד הניח יהוה אלהי ישראל לעמו וישכן
 בירושלם עד לעולם ²⁶ וגם ללויים אין
 לשאת את המשכן ואת כל כליו
 לעבדתו ²⁷ כי בדברי דויד האחרנים המה
 מספר בני לוי מבן עשרים שנה
 ולמעלה ²⁸ כי מעמדם ליד בני אהרן
 לעבדת בית יהוה על החצרות ועל
 הלשכות ועל טהרת לכל קדש ומעשה
 עבדת בית האלהים ²⁹ וללחם המערכת
 ולסלת למנחה ולרקיקי המצות ולמחבת
 ולמרבכת ולכל משורה ומדה ³⁰ ולעמד
 בבקר בבקר להדות ולהלל ליהוה וכן
 לערב ³¹ ולכל העלות עלות ליהוה
 לשבתות לחדשים ולמעדים במספר
 כמשפט עליהם תמיד לפני יהוה ³² ושמרו
 את משמרת אהל מועד ואת משמרת
 הקדש ומשמרת בני אהרן אחיהם
 לעבדת בית יהוה פ

24 ולבני אהרן מחלקותם בני אהרן
 נדב ואביהוא אלעזר ואיתמר ² וימת נדב
 ואביהוא לפני אביהם ובנים לא היו להם
 ויכהנו אלעזר ואיתמר ³ ויחלקם דויד
 וצדוק מן בני אלעזר ואחימלך מן בני
 איתמר לפקדתם בעבדתם ⁴ וימצאו בני
 אלעזר רבים לראשי הגברים מן בני

בכלים אשר עשיתי להלל ⁶ ויחלקם דויד
 מחלקות ׀ לבני לוי לגרשון קהת
 ומררי ׀ ⁷ לגרשני לעדן
 ושמעי ׀ ⁸ בני לעדן הראש יחיאל
 וזתם ויואל שלשה ׀ ⁹ בני שמעי **שלמות**
שלומית וחיאל והרן שלשה אלה ראשי
 האבות ללעדן ׀ ¹⁰ ובני שמעי יחת
 זינא ויעוש ובריעה אלה בני שמעי
 ארבעה ¹¹ ויהי יחת הראש וזיזה השני
 ויעוש ובריעה לא הרבו בנים ויהיו לבית
 אב לפקדה אחת ׀ ¹² בני קהת עמרם
 יצהר חברון ועזיאל ארבעה ׀ ¹³ בני
 עמרם אהרן ומשה ויבדל אהרן להקדישו
 קדש קדשים הוא ובניו עד עולם להקטיר
 לפני יהוה לשרתו ולברך בשמו עד
 עולם ¹⁴ ומשה איש האלהים בניו יקראו
 על שבט הלוי ¹⁵ בני משה גרשם
 ואליעזר ¹⁶ בני גרשום שבואל
 הראש ¹⁷ ויהיו בני אליעזר רחביה הראש
 ולא היה לאליעזר בנים אחרים ובני
 רחביה רבו למעלה ¹⁸ בני יצהר שלמית
 הראש ׀ ¹⁹ בני חברון יריהו הראש
 אמריה השני יחיאל השלישי ויקמעם
 הרביעי ²⁰ בני עזיאל מיכה הראש וישיה
 השני ׀ ²¹ בני מררי מחלי ומושי בני
 מחלי אלעזר וקיש ²² וימת אלעזר ולא
 היו לו בנים כי אם בנות וישאום בני קיש
 אחיהם ²³ בני מושי מחלי ועדר וירמות
 שלשה ²⁴ אלה בני לוי לבית אבתיהם

רחביהו הראש ישיה²² ליצהרי שלמות
 לבני שלמות יחת²³ ובני יריהו אמריהו
 השני יחזיאל השלישי יקמעם
 הרביעי²⁴ בני עזיאל מיכה לבני מיכה
 שמור שמיר²⁵ אחי מיכה ישיה לבני ישיה
 זכריהו²⁶ בני מררי מחלי ומושי בני
 יעזיהו בנו²⁷ בני מררי ליעזיהו בנו ושהם
 וזכור ועברי²⁸ למחלי אלעזר ולא היה לו
 בנים²⁹ לקיש בני קיש ירחמאל³⁰ ובני
 מושי מחלי ועדר וירימות אלה בני הלויים
 לבית אבתיהם³¹ ויפילו גם הם גורלות
 לעמת אחיהם בני אהרן לפני דויד המלך
 וצדוק ואחימלך וראשי האבות לכהנים
 וללויים אבות הראש לעמת אחיו
 הקטן ׀

25 ויבדל דויד ושרי הצבא לעבדה לבני
 אסף והימן וידותון **הנביאים הנבאים**^y
 בכנרות בנבלים ובמצלתים ויהי מספרם
 אנשי מלאכה לעבדתם² לבני אסף זכור
 ויוסף ונתניה ואשראלה בני אסף על יד
 אסף הנבא על ידי המלך³ לידותון בני
 ידותון גדליהו וצרי וישעיהו חשביהו
 ומתתיהו ששה על ידי אביהם ידותון
 בכנור הנבא על הדות והלל
 ליהוה ׀⁴ להימן בני הימן בקיהו
 מתניהו עזיאל שבואל וירימות חנניה
 חנני אליאתה גדלתי ורממתי עזר

איתמר ויחלקום לבני אלעזר ראשים
 לבית אבות ששה עשר ולבני איתמר
 לבית אבותם שמונה⁵ ויחלקום בגורלות
 אלה עם אלה כי היו שרי קדש ושרי
 האלהים מבני אלעזר ובבני
 איתמר ׀⁶ ויכתבם שמעיה בן נתנאל
 הסופר מן הלוי לפני המלך והשרים
 וצדוק הכהן ואחימלך בן אביתר וראשי
 האבות לכהנים וללויים בית אב אחד אחז
 לאלעזר ואחז אחז לאיתמר ׀⁷
 ויצא הגורל הראשון ליהויריב לידעיה
 השני⁸ לחרם השלישי לשערים
 הרביעי⁹ למלכיה החמישי למימן
 הששי¹⁰ להקוץ השבעי לאביה
 השמיני¹¹ לישוע התשעי לשכניהו
 העשירי¹² לאלישיב עשתי עשר ליקים
 שנים עשר¹³ לחפה שלשה עשר
 לישבאב ארבעה עשר¹⁴ לבלגה חמשה
 עשר לאמר ששה עשר¹⁵ לחזיר שבעה
 עשר להפצץ שמונה עשר¹⁶ לפתחיה
 תשעה עשר ליחזקאל העשרים¹⁷ ליכין
 אחד ועשרים לגמול שנים
 ועשרים¹⁸ לדליהו שלשה ועשרים
 למעזיהו ארבעה ועשרים ׀¹⁹
 אלה פקדתם לעבדתם לבוא לבית
 יהוה כמשפטם ביד אהרן אביהם כאשר
 צוהו יהוה אלהי ישראל ׀²⁰
 ולבני לוי הנותרים לבני עמרם שובאל
 לבני שובאל יחדיהו²¹ לרחביהו לבני

^y Yathir readings in L which we have designated as Qeres when both Dothan and BHS list a Qere.

שנים עשר²⁴ לשבעה עשר לישבקשה
 בניו ואחיו שנים עשר²⁵ לשמונה עשר
 לחנני בניו ואחיו שנים עשר²⁶ לתשעה
 עשר למלותי בניו ואחיו שנים
 עשר²⁷ לעשרים לאליתה בניו ואחיו
 שנים עשר²⁸ לאחד ועשרים להותיר בניו
 ואחיו שנים עשר²⁹ לשנים ועשרים
 לגדלתי בניו ואחיו שנים עשר³⁰ לשלשה
 ועשרים למחזיאות בניו ואחיו שנים
 עשר³¹ לארבעה ועשרים לרוממתי עזר
 בניו ואחיו שנים עשר פ

26 למחלקות לשערים לקרחים
 משלמיהו בן קרא מן בני
 אסף² ולמשלמיהו בנים זכריהו הבכור
 ידיעאל השני זבדיהו השלישי יתניאל
 הרביעי³ עילם החמישי יהוחנן הששי
 אליהועיני השביעי⁴ ולעבד אדם בנים
 שמעיה הבכור יהוזבד השני יואח
 השלשי ושכר הרביעי ונתנאל
 החמישי⁵ עמיאל הששי יששכר השביעי
 פעלתי השמיני כי ברכו אלהים פ
⁶ ולשמעיה בנו נולד בנים הממשלים
 לבית אביהם כי גבורי חיל המה⁷ בני
 שמעיה עתני ורפאל ועובד אלזבד אחיו
 בני חיל אליהו וסמכיהו⁸ כל אלה מבני
 עבד אדם המה ובניהם ואחיהם איש חיל
 בכח לעבדה ששים ושנים לעבד

ישבקשה מלותי הותיר מחזיאות⁵ כל
 אלה בנים להימן חזה המלך בדברי
 האלהים להרים קרן ויתן האלהים להימן
 בנים ארבעה עשר ובנות שלוש⁶ כל אלה
 על ידי אביהם בשיר בית יהוה במצלתים
 נבלים וכנרות לעבדת בית האלהים על
 ידי המלך ס אסף וידותון והימן⁷ ויהי
 מספרם עם אחיהם מלמדי שיר ליהוה
 כל המבין מאתים שמונים
 ושמונה⁸ ויפילו גורלות משמרת לעמת
 כקטן כגדול מבין עם תלמיד פ
⁹ ויצא הגורל הראשון לאסף ליוסף
 גדליהו השני הוא ואחיו ובניו שנים
 עשר¹⁰ השלשי זכור בניו ואחיו שנים
 עשר¹¹ הרביעי ליצרי בניו ואחיו שנים
 עשר¹² החמישי נתניהו בניו ואחיו שנים
 עשר¹³ הששי בקיהו בניו ואחיו שנים
 עשר¹⁴ השבעי ישראלה בניו ואחיו שנים
 עשר¹⁵ השמיני ישעיהו בניו ואחיו שנים
 עשר¹⁶ התשיעי מתניהו בניו ואחיו שנים
 עשר¹⁷ העשירי שמעי בניו ואחיו שנים
 עשר¹⁸ עשתי עשר עזראל בניו ואחיו
 שנים עשר¹⁹ השנים עשר לחשביה בניו
 ואחיו שנים עשר²⁰ לשלשה עשר שובאל
 בניו ואחיו שנים עשר²¹ לארבעה עשר
 מתתיהו בניו ואחיו שנים עשר²² לחמשה
 עשר לירמות בניו ואחיו שנים
 עשר²³ לששה עשר לחנניה בניו ואחיו

שלמות ואחיו על כל אצרות הקדשים אשר הקדיש דויד המלך וראשי האבות לשרי האלפים והמאות ושרי הצבא ²⁷ מן המלחמות ומן השלל הקדישו לחזק לבית יהוה ²⁸ וכל ההקדיש שמואל הראה ושאול בן קיש ואבנר בן נר ויואב בן צרויה כל המקדיש על יד שלמית ואחיו ²⁹ ליצהרי כנניהו ובניו למלאכה החיצונה על ישראל לשטרים ולשפטים ³⁰ לחברוני חשביהו ואחיו בני חיל אלף ושבע מאות על פקדת ישראל מעבר לירדן מערבה לכל מלאכת יהוה ולעבדת המלך ³¹ לחברוני יריה הראש לחברוני לתלדתיו לאבות בשנת הארבעים למלכות דויד נדרשו וימצא בהם גבורי חיל ביעזיר גלעד ³² ואחיו בני חיל אלפים ושבע מאות ראשי האבות ויפקידם דויד המלך על הראובני והגדי וחצי שבט המנשי לכל דבר האלהים ודבר המלך ³

27 ובני ישראל למספרם ראשי האבות ושרי האלפים והמאות ושטריהם המשרתים את המלך לכל דבר המחלקות הבאה והיצאת חדש בחדש לכל חדשי השנה המחלקת האחת עשרים וארבעה אלף ² על המחלקת הראשונה לחדש הראשון ישבעם בן זבדיאל ועל מחלקתו עשרים וארבעה אלף ³ מן בני פרץ הראש לכל

אדם ⁹ ולמשלמיהו בנים ואחים בני חיל שמונה עשר ¹⁰ ולחסה מן בני מררי בנים שמרי הראש כי לא היה בכור וישימהו אביהו לראש ¹¹ חלקיהו השני טבליהו השלשי זכריהו הרבעי כל בנים ואחים לחסה שלשה עשר ¹² לאלה מחלקות השערים לראשי הגברים משמרות לעמת אחיהם לשרת בבית יהוה ¹³ ויפילו גורלות כקטן כגדול לבית אבותם לשער ושער ¹⁴ ויפל הגורל מזרחה לשלמיהו וזכריהו בנו יועץ בשכל הפילו גורלות ויצא גורלו צפונה ¹⁵ לעבד אדם נגבה ולבניו בית האספים ¹⁶ לשפים ולחסה למערב עם שער שלכת במסלה העולה משמר לעמת משמר ¹⁷ למזרח הלויים ששה לצפונה ליום ארבעה לנגבה ליום ארבעה ולאספים שנים שנים ¹⁸ לפרבר למערב ארבעה למסלה שנים לפרבר ¹⁹ אלה מחלקות השערים לבני הקרחי ולבני מררי ²⁰ והלויים אחיה על אוצרות בית האלהים ולאצרות הקדשים ²¹ בני לעדן בני הגרשני ללעדן ראשי האבות ללעדן הגרשני יחיאלי ²² בני יחיאלי זתם ויואל אחיו על אצרות בית יהוה ²³ לעמרמי ליצהרי לחברוני לעזיאל ²⁴ ושבאל בן גרשום בן משה נגיד על האצרות ²⁵ ואחיו לאליעזר רחביהו בנו וישעיהו בנו וירם בנו וזכרי בנו **ושלמות** **ושלמית** בנו ²⁶ הוא

אלף ם ¹⁵ השנים עשר לשנים עשר
 החדש חלדי הנטופתי לעתניאל ועל
 מחלקתו עשרים וארבעה אלף פ
¹⁶ ועל שבטי ישראל לראובני נגיד אליעזר
 בן זכרי ם לשמעוני שפטיהו בן
 מעכה ם ¹⁷ ללוי חשביה בן קמואל
 לאהרן צדוק ם ¹⁸ ליהודה אליהו
 מאחי דויד ליששכר עמרי בן
 מיכאל ם ¹⁹ לזבולן ישמעיהו בן
 עבדיהו לנפתלי ירימות בן
 עזריאל ם ²⁰ לבני אפרים הושע בן
 עזזיהו לחצי שבט מנשה יואל בן
 פדיהו ם ²¹ לחצי המנשה גלעדה ידו
 בן זכריהו ם לבנימן יעשיאל בן
 אבנר ם ²² לדן עזראל בן ירחם אלה
 שרי שבטי ישראל ²³ ולא נשא דויד
 מספרם למבן עשרים שנה ולמטה כי
 אמר יהוה להרבות את ישראל ככוכבי
 השמים ²⁴ יואב בן צרויה החל למנות ולא
 כלה ויהי בזאת קצף על ישראל ולא עלה
 המספר במספר דברי הימים למלך
 דויד ם ²⁵ ועל אצרות המלך עזמות בן
 עדיאל ם ועל האצרות בשדה בערים
 ובכפרים ובמגדלות יהונתן בן
 עזיהו ם ²⁶ ועל עשי מלאכת השדה
 לעבדת האדמה עזרי בן כלוב ²⁷ ועל
 הכרמים שמעי הרמתי ועל שבכרמים
 לאצרות היין זבדי השפמי ם ²⁸ ועל
 הזיתים והשקמים אשר בשפלה בעל חנן

שרי הצבאות לחדש הראשון ⁴ ועל
 מחלקת החדש השני דודי האחוחי
 ומחלקתו ומקלות הנגיד ועל מחלקתו
 עשרים וארבעה אלף ם ⁵ שר הצבא
 השלישי לחדש השלישי בניהו בן יהוידע
 הכהן ראש ועל מחלקתו עשרים וארבעה
 אלף ⁶ הוא בניהו גבור השלשים ועל
 השלשים ומחלקתו עמיזבד
 בנו ם ⁷ הרביעי לחדש הרביעי עשה
 אל אחי יואב וזבדיה בנו אחריו ועל
 מחלקתו עשרים וארבעה
 אלף ם ⁸ החמישי לחדש החמישי
 השר שמהות היזרח ועל מחלקתו
 עשרים וארבעה אלף ם ⁹ הששי
 לחדש הששי עירא בן עקש התקועי ועל
 מחלקתו עשרים וארבעה
 אלף ם ¹⁰ השביעי לחדש השביעי חלץ
 הפלוני מן בני אפרים ועל מחלקתו
 עשרים וארבעה אלף ם ¹¹ השמיני
 לחדש השמיני סבכי החשתי לזרחי ועל
 מחלקתו עשרים וארבעה
 אלף ם ¹² התשיעי לחדש התשיעי
 אביעזר הענתתי **לבנימי לבן ימיני** ועל
 מחלקתו עשרים וארבעה
 אלף ם ¹³ העשירי לחדש העשירי
 מהרי הנטופתי לזרחי ועל מחלקתו
 עשרים וארבעה אלף ם ¹⁴ עשתי עשר
 לעשתי עשר החדש בניה הפרעתוני מן
 בני אפרים ועל מחלקתו עשרים וארבעה

להמליך על כל ישראל⁵ ומכל בני כי רבים בנים נתן לי יהוה ויבחר בשלמה בני לשבת על כסא מלכות יהוה על ישראל⁶ ויאמר לי שלמה בנדך הוא יבנה ביתי וחצרותי כי בחרתי בו לי לבן ואני אהיה לו לאב⁷ והכינותי את מלכותו עד לעולם אם יחזק לעשות מצותי ומשפטי כיום הזה⁸ ועתה לעיני כל ישראל קהל יהוה ובאזני אלהינו שמרו ודרשו כל מצות יהוה אלהיכם למען תירשו את הארץ הטובה והנחלתם לבניכם אחריכם עד עולם פ

9 ואתה שלמה בני דע את אלהי אביך ועבדהו בלב שלם ובנפש חפצה כי כל לבבות דורש יהוה וכל יצר מחשבות מבין אם תדרשנו ימצא לך ואם תעזבנו יזניחך לעד¹⁰ ראה עתה כי יהוה בחר בך לבנות בית למקדש חזק ועשה פ

11 ויתן דויד לשלמה בנו את תבנית האולם ואת בתיו וגנזכיו ועליתיו וחדריו הפנימים ובית הכפרת¹² ותבנית כל אשר היה ברוח עמו לחצרות בית יהוה ולכל הלשכות סביב לאצרות בית האלהים ולאצרות הקדשים¹³ ולמחלקות הכהנים והלויים ולכל מלאכת עבודת בית יהוה ולכל כלי עבודת בית יהוה¹⁴ לזהב במשקל לזהב לכל כלי עבודה ועבודה לכל כלי הכסף במשקל לכל כלי עבודה ועבודה¹⁵ ומשקל למנרות הזהב ונרתיהם זהב במשקל מנורה ומנורה ונרתיה

הגדרי ס ועל אצרות השמן יועש ס ועל הבקר הרעים בשרון שטרי שרטי השרוני ועל הבקר בעמקים שפט בן עדלי ס ועל הגמלים אוביל הישמעלי ועל האתנות יחדיהו המרנתי ס ועל הצאן יזיז ההגרי כל אלה שרי הרכוש אשר למלך דויד³² ויהונתן דוד דויד יועץ איש מבין וסופר הוא ויחיאל בן חכמוני עם בני המלך³³ ואחיתפל יועץ למלך ס וחושי הארכי רע המלך³⁴ ואחרי אחיתפל יהודע בן בניהו ואביתר ושר צבא למלך יואב פ

28 ויקהל דויד את כל שרי ישראל שרי השבטים ושרי המחלקות המשרתים את המלך ושרי האלפים ושרי המאות ושרי כל רכוש ומקנה למלך ולבניו עם הסריסים והגבורים ולכל גבור חיל אל ירושלם² ויקם דויד המלך על רגליו ויאמר שמעוני אחי ועמי אני עם לבבי לבנות בית מנוחה לארון ברית יהוה ולהדם רגלי אלהינו והכינותי לבנות³ והאלהים אמר לי לא תבנה בית לשמי כי איש מלחמות אתה ודמים שפכת⁴ ויבחר יהוה אלהי ישראל בי מכל בית אבי להיות למלך על ישראל לעולם כי ביהודה בחר לנגיד ובבית יהודה בית אבי ובבני אבי בי רצה

לבית אלהי למעלה מכל הכינותי לבית הקדש⁴ שלשת אלפים ככרי זהב מזהב אופיר ושבעת אלפים ככר כסף מזקק לטוח קירות הבתים⁵ לזהב לזהב ולכסף לכסף ולכל מלאכה ביד חרשים ומי מתנדב למלאות ידו היום ליהוה⁶ ויתנדבו שרי האבות ושרי שבטי ישראל ושרי האלפים והמאות ולשרי מלאכת המלך⁷ ויתנו לעבודת בית האלהים זהב ככרים חמשת אלפים ואדרכנים רבו וכסף ככרים עשרת אלפים ונחשת רבו ושמונת אלפים ככרים וברזל מאה אלף ככרים⁸ והנמצא אתו אבנים נתנו לאוצר בית יהוה על יד יחיאל הגרשני⁹ וישמחו העם על התנדבם כי בלב שלם התנדבו ליהוה וגם דויד המלך שמח שמחה גדולה פ

¹⁰ ויברך דויד את יהוה לעיני כל הקהל ויאמר דויד ברוך אתה יהוה אלהי ישראל אבינו מעולם ועד עולם¹¹ לך יהוה הגדלה והגבורה והתפארת והנצח וההוד כי כל בשמים ובארץ לך יהוה הממלכה והמתנשא לכל לראש¹² והעשר והכבוד מלפניך ואתה מושל בכל ובידך כח וגבורה ובידך לגדל ולחזק לכל¹³ ועתה אלהינו מודים אנחנו לך ומהללים לשם תפארתך¹⁴ וכי מי אני ומי עמי כי נעצר כח להתנדב כזאת כי ממך הכל ומידך נתנו לך¹⁵ כי גרים

ולמנרות הכסף במשקל למנורה ונרתיה כעבודת מנורה ומנורה¹⁶ ואת הזהב משקל לשלחנות המערכת לשלחן ושלחן וכסף לשלחנות הכסף¹⁷ והמזלגות והמזרקות והקשות זהב טהור ולכפורי הזהב במשקל לכפור וכפור ולכפורי הכסף במשקל לכפור וכפור¹⁸ ולמזבח הקטרת זהב מזקק במשקל ולתבנית המרכבה הכרבים זהב לפרשים וסככים על ארון ברית יהוה¹⁹ הכל בכתב מיד יהוה עלי השכיל כל מלאכות התבנית פ ויאמר דויד לשלמה בנו חזק ואמץ²⁰ ועשה אל תירא ואל תחת כי יהוה אלהים אלהי עמך לא ירפך ולא יעזבך עד לכלות כל מלאכת עבודת בית יהוה²¹ והנה מחלקות הכהנים והלויים לכל עבודת בית האלהים ועמך בכל מלאכה לכל נדיב בחכמה לכל עבודה והשרים וכל העם לכל דבריך פ

29 ויאמר דויד המלך לכל הקהל שלמה בני אחד בחר בו אלהים נער ורך והמלאכה גדולה כי לא לאדם הבירה כי ליהוה אלהים² וככל כחי הכינותי לבית אלהי הזהב לזהב והכסף לכסף והנחשת לנחשת הברזל לברזל והעצים לעצים אבני שהם ומלואים אבני פוך ורקמה וכל אבן יקרה ואבני שיש לרב³ ועוד ברצותי בבית אלהי יש לי סגלה זהב וכסף נתתי

לפניו על ישראל פ
²⁶ ודויד בן ישי מלך על כל
 ישראל²⁷ והימים אשר מלך על ישראל
 ארבעים שנה בחברון מלך שבע שנים
 ובירושלם מלך שלשים ושלוש²⁸ וימת
 בשיבה טובה שבע ימים עשר וכבוד
 וימלך שלמה בנו תחתיו²⁹ ודברי דויד
 המלך הראשנים והאחרנים הנם כתובים
 על דברי שמואל הראה ועל דברי נתן
 הנביא ועל דברי גד החזה³⁰ עם כל
 מלכותו וגבורתו והעתים אשר עברו עליו
 ועל ישראל ועל כל ממלכות הארצות פ

End of 1 Chronicles

אנחנו לפניך ותושבים ככל אבתינו כצל
 ימינו על הארץ ואין מקוה¹⁶ יהוה אלהינו
 כל ההמון הזה אשר הכיננו לבנות לך
 בית לשם קדשך מידך^{היא} הוא ולך
 הכל¹⁷ וידעתי אלהי כי אתה בחן לבב
 ומישרים תרצה אני בישר לבבי התנדבתי
 כל אלה ועתה עמך הנמצאו פה ראיתי
 בשמחה להתנדב לך¹⁸ יהוה אלהי
 אברהם יצחק וישראל אבתינו שמרה
 זאת לעולם ליצר מחשבות לבב עמך
 והכן לבבם אליך¹⁹ ולשלמה בני תן לבב
 שלם לשמור מצותיך עדותיך וחקיך
 ולעשות הכל ולבנות הבירה אשר
 הכינתי פ

²⁰ ויאמר דויד לכל הקהל ברכו נא את
 יהוה אלהיכם ויברכו כל הקהל ליהוה
 אלהי אבתיהם ויקדו וישתחו ליהוה
 ולמלך²¹ ויזבחו ליהוה זבחים ויעלו עלות
 ליהוה למחרת היום ההוא פרים אלף
 אילים אלף כבשים אלף ונסכיהם וזבחים
 לרב לכל ישראל²² ויאכלו וישתו לפני
 יהוה ביום ההוא בשמחה גדולה וימליכו
 שנית לשלמה בן דויד וימשחו ליהוה
 לנגיד ולצדוק לכהן²³ וישב שלמה על
 כסא יהוה למלך תחת דויד אביו ויצלח
 וישמעו אליו כל ישראל²⁴ וכל השרים
 והגברים וגם כל בני המלך דויד נתנו יד
 תחת שלמה המלך²⁵ ויגדל יהוה את
 שלמה למעלה לעיני כל ישראל ויתן עליו
 הוד מלכות אשר לא היה על כל מלך

The Westminster Leningrad Codex
Version 4.16

1 Chronicles

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex
<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24:07. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 34 pages. Layout: Full; Content: Consonants.

This document is in the public domain.